


18124

S6.12

v.2



全大宅陽

冊 中

行印局書明文海上

國立臺灣圖書館典藏
由國家圖書館數位化



3 1111 003623806

陽宅大全卷四

八宅四書四

五行生剋斷訣

西陵一壑居士集

入木宮。金爲星。震巽爲宮。金在上。木在下。星剋宮。根身受剋。入震傷長男。入巽傷長女。主顛狂喘咳之疾。筋骨疼痛。腰腿生癰。不論武曲破軍。

入水宮。金爲星。坎爲宮。金在上。水在下。星生宮。金生水。主興隆。人口平安。福祿日增。財時進。六畜茂盛。兒孫繁衍。此指武曲而言。若是破軍。凶多吉少。

入火宮。金爲星。離爲宮。金在上。水在下。宮剋星。根身受剋。發凶尤甚。資財速退。家業虛。子孫絕敗。乾金與武曲俱傷。陽兌金與破軍俱傷。陰主生肺疾。咳嗽喘悶。婦人產血崩。蓋因火能煉金。家不從容。人多疾病。

金入土宮。金爲星。坤艮爲宮。金在上。土在下。宮生星。土生金。家業興。人財盛。子生四男。

兒孫興旺。但土雖生金。陰金入陰土。終必沉埋。久難獲福。

金入金宮。武曲破軍爲星。乾兌爲宮。武曲入乾兌二宮俱陽。入陰宮二金比肩。資財茂盛。六畜蕃衍。人口平安。多生男。破軍入乾兌二宮。多主凶事。財帛退敗。六畜傷損。田蠶虛耗。絕嗣覆宗。子孫亡敗。寡婦當家。多生女人。訣云。重陰入宮。哭聲喞喞。男孤女寡。子孫無踪。

木入金宮。乾兌爲宮。貪狼爲星。木在上。金在下。宮尅星。根身受尅。入乾宮傷陽。入兌宮傷陰。貪狼雖吉。不宜入乾兌。先吉後凶。所謂相尅半中平是也。三十年後。人財退散。男女主生癰滯。咽喉病痛。心胸膨悶。或自縊。或吐血。筋骨腰脚之災。瘦癆黃腫之患。

木入木宮。震巽爲宮。貪狼爲星。二木比和。其家興旺。廣進田庄。子孫蕃衍。六畜茂盛。人口平安。百事順利。

木入水宮。坎爲宮。貪狼爲星。木在上。水在下。宮生星。木得水養。根深茂盛。主生五男。錢財興旺。六畜俱蕃。田蠶倍收。粟麥盈倉。永廣吉慶。

木入火宮。離爲宮。木爲星。木在上。火在下。星生宮。田蠶興旺。人口平安。資財茂盛。六畜盈欄。木雖生火。木上火下。恐火太旺。燒盡木根而絕嗣。此又不可不知。

木入土宮。坤艮爲宮。貪狼爲星。木在上。土在下。星尅宮。身稍受尅。不利長房。其家財物。漸漸消退。土被木尅。多犯脾胃。傷損噎轉疥癩之病。人多瘦弱面黃。六畜不旺。田蠶不收。

水入金宮。乾兌爲宮。文曲爲星。水在上。金在下。宮生星。六煞雖凶。星宮相生。資財六畜。始順利而終絕敗。陰人主事。亂業胡爲。官司口舌。陰症相隨。婦人多病。

水入木宮。震巽爲宮。文曲爲星。水在上。木在下。星生宮。六煞雖凶。星宮相順。六畜亦旺。資財亦興。人口亦安。田蠶亦盛。日後不免寡婦當家。

水入水宮。坎爲宮。文曲爲星。水入水宮。壬癸太重。家業飄零。男早喪。子孫稀。多水蠱疾。病。脾腸腫。面皮黃。子孫飄蓬。六畜倒死。田宅虛耗。

水入火宮。離爲宮。文曲爲星。水在上。火在下。星尅宮。名爲水火相煎。絕妻損女。幼妻中

女。災害淫亂。官司口舌。邪神祟鬼。賊盜火光。六畜倒死。家業主虛。人口傷害。先傷中男。中女。後死小兒老母。火遭水尅。多主心痛癆傷。水來尅火。多主血崩腎冷。水來制火。多主膿血暗啞。

水入土宮。坤艮爲宮。文曲爲星。水在上。土在下。宮尅星。根身受尅。六畜倒死。錢財不旺。田蠶不收。官司盜賊。人離財散。百災競起。土尅水。風狂之災。面色痿黃。或瘦癆腹腫之患。或噎食水蠱之災。水入坤宮。主傷婦女。水入艮宮。主傷男子。水入坤。從陰入陰。哭聲吟吟。水入艮。從陰入陽。哭聲忙忙。

火入金宮。乾兌爲宮。廉貞爲星。火在上。金在下。星爲宮。入兌宮。先傷少女。五鬼勢惡。主心痛咳嗽。血光肺虛。面色乾黃。產癆而死。入乾宮。多傷家長。官司刑陷。血光橫傷。金被火傷。口舌是非。火金相尅。煎殺仇害。

火入木宮。震巽爲宮。廉貞爲星。火在上。木在下。宮生星。但廉貞勢大。木雖生火。不見吉祥。反招凶禍。主田宅退敗。盜賊連連。忤逆凶徒。上下不順。資財耗散。老幼不安。訣云。木

18124
56112
v.12

19130

能生火反不生。身稍受尅禍頻頻。官司口舌年年見。吃酒行凶打死人。

火入水宮。坎爲宮。廉貞爲星。火在上。水在下。宮尅星。譬如飛雪紅爐。點到卽化。定無餘

資。家業破敗。人口災傷。官事疊見。火遭水尅。眼疾心痛。吐血產難。下元寒冷。水制火傷。

瘦癆吐濃。先亡中男少男。次亡家長。水火交戰。災害競起。重重寡婦。烘烘交鬧。

火入火宮。離爲宮。廉貞爲星。火焰逼人。發凶尤速。六畜田蠶不旺。寡婦當家。訣云。心痛

吐血。火燒家。疥癩瘡疾難化。中女陰人多病。家長癆病交雜。比合鬼星管事。人人破敗

離家。寅午戌午絕根芽。此是鬼星造化。

火入土宮。坤艮爲宮。廉貞爲星。火在上。土在下。星生宮。但火爲五鬼。多凶少吉。火星入

坤。老母先亡。火星入艮。少男辭世。癰瘡瘡癩。庄田退敗。六畜逃失。奴走難尋。家業凌替。

土入金宮。乾兌爲宮。巨祿爲星。土在上。金在下。星生宮。但上有不同。祿存爲陰。土雖

生金。戊己多終必埋沒。田蠶不旺。財帛不興。禍害入兌。陰人死。禍害入乾。男子亡。若是

巨門星入於乾兌宮中。資財大旺。六畜繁興。田蠶茂盛。子孫振振。

土入木宮。震巽爲宮。巨祿爲星。土在上。木在下。宮尅星。根身受尅。災害必重。祿存受尅。傷陰人。巨門受尅。傷男子。家業凌替。牛羊倒死。田蠶不收。人口災害。巨門受尅。腫蠱殘。噎。耳目盲聾。面色黃瘦。脾肚不和。胃氣衝心。祿存受尅。風病難動履。耳聾兼禿瞎。土入水宮。坎爲宮。巨祿爲星。土在上。水在下。星尅宮。星宮不順。身稍受尅。至少亡子孫。中子敗絕。寡婦相繼。女人管家。六畜倒死。田蠶虛耗。土來水宮。風病之災。面色黃瘦。肚腹腫脹。失言音啞。水蠱噎食。脚疼腿痛。耳聾腎虛。

土入火宮。離爲宮。巨祿爲星。土在上。火在下。宮生星。星宮相順。富貴資財。錢帛大旺。六畜茂盛。田蠶倍收。米穀盈倉。訣云。火能生土。福綿綿。牛羊孳畜。遍莊園。人口平安。常吉慶。後代兒孫廣進田。此指巨門土說。若祿存。則凶多吉少。

土入土宮。坤艮爲宮。巨祿爲星。巨門到艮。傷少男。到坤傷老母。祿存到坤艮。俱傷陰。土生萬物。號爲財。土入土宮。土重反埋資財。少男老母。立見災殃。土多必有噎轉膨脹之災。土虛必有虛怯殘疾之病。

星卦生尅斷訣

宮生宮。人口昌。宮尅宮。人口戕。宮生星。田財進。宮尅星。田財亡。星生宮。六畜旺。星尅宮。六畜傷。內尅外。凶猶可。外尅內。凶莫當。外生內。發福速。內生外。發亦康。陽尅陰。女受禍。陰尅陽。男遭殃。

抽爻換象斷訣

坎變兌。是水澤節。正與困反。雖金水相生。兌坎不比。又得祿存土星。主子孫絕敗。盜賊橫禍。

坎變震。是水雷屯。正與解反。水木相生。震坎比和。又得巨門土星。主子孫富貴。小口不利。

坎變離。是水火既濟。正與未濟反。雖水火相尅。離坎比和。又得武曲金星。主眼疾破財。先利後貧。

坎變乾。是水天需。正與訟反。雖金水相生。乾坎不比。又得文曲水星。主官事逃亡。子女

絕嗣。

坎變巽。是水風井。正與渙反。水木相生。巽坎比和。又得貪狼木星。主錢財大旺。婦女顯貴。

坎變艮。是水山蹇。正與蒙反。火土相刑。艮坎不比。又得廉貞火星。主子孫貧窮。膈噎疾病。

坎變坤。是水地比。正與師反。水土相尅。坤坎不比。又得破軍金星。主中男死亡。人離財散。

坎變坎。是伏吟。五行無尅。伏位之神。陽旺陰衰。主婦女死亡。招禍破財。

離變艮。是火山旅。正與賁反。雖火土相生。艮離不比。又得巨門土星。主錢財旺盛。子孫絕敗。

離變坎。是水火未濟。正與既濟反。雖水火相尅。坎離比合。又得武曲金星。主眇目眼疾。田財大旺。

離變坤。是火地晉。正與明夷反。雖火土相生。坤離不比。又得文曲水星。主二姓同居。子女貧賤。

離變震。是火雷噬嗑。正與豐反。木火相生。震離比和。又得貪狼木星。主男孝女貞。一門貴顯。

離變兌。是火澤睽。正與革反。金火相刑。兌離不比。又得廉貞火星。主官事破財。婦女早亡。

離變乾。是火天大有。正與同人反。金火相尅。乾離不比。又得破軍金星。主子孫夭壽。家長噎病。

離變離。是伏吟。五行無尅。伏位之神。陰旺陽衰。主家門興旺。後無子嗣。

震變坤。是雷地豫。正與履反。木土相刑。坤震不比。又得祿存土星。主老陰先亡。男婦多病。

震變坎。是雷水解。正與屯反。水木相生。坎震比和。又得巨門土星。主財旺尅妻。子孫興

盛。

震變巽。是雷風恒。正與益反。二木成林。巽震比合。又得武曲金星。主錢財興旺。子孫貴顯。

震變艮。是雷山小過。正與頤反。木土相刑。艮震不比。又得文曲水星。主火光賊盜。田產敗盡。

震變離。是雷火豐。正與噬嗑反。木火相生。離震比和。又得貪狼木星。主子孫貴顯。錢財進益。

震變乾。是雷天大壯。與无妄反。金木相尅。乾震不比。又得廉貞火星。主長男老翁官災死。

震變兌。是雷澤歸妹。正與隨反。金木相刑。兌震不比。又得破軍金星。主子孫絕敗。投河縊刃。

震變震。是伏吟。五行無尅伏位之神。陽旺陰衰。主家門榮貴。陰人死亡。

巽變乾。是風天小畜。正與姤反。金木相刑。乾巽不比。又得祿存土星。人尊長災禍。出有妖媚。

巽變離。是風火家人。正與鼎反。木火相生。離巽比和。又得巨門土星。主婦人寡居。先富後貧。

巽變震。是風雷益。正與恆反。二木成林。震巽比和。又得武曲金星。主人口興旺。富貴雙全。

巽變兌。是風澤中孚。正與大過反。金木相剋。兌巽不比。又得文曲水星。主聾瞽殘疾。子女逃散。

巽變坎。是風水渙。正與井反。水木相生。坎巽比和。又得貪狼木星。主子孫榮貴。田產益進。

巽變坤。是風地觀。正與升反。木金相剋。坤巽不比。又得廉貞火星。主子孫少亡。膈噎疾病。

異變艮。是風山漸。正與蠱反。木土相刑。艮巽不比。又得破軍金星。主心痛腫病。子女少亡。

異變巽。是伏吟。五行無尅伏位之神。陰旺陽衰。主田財旺盛。子孫稀少。

乾變巽。是天風姤。正與小畜反。金木相刑。巽乾不比。又得祿存土星。主自縊投河。陰人疾病。

乾變艮。是天山遯。正與大畜反。金土相生。艮乾比和。又得巨門土星。主資財榮貴。陰人死亡。

乾變坤。是天地否。正與泰反。金土相生。乾坤比和。又得武曲金星。主夫賢妻順。人口平安。

乾變坎。是天水訟。正與需反。雖金水相生。坎乾不比。又得文曲水星。主婦人殘疾。口舌官事。

乾變兌。是天澤履。正與夬反。二金無尅。兌乾比和。又得貪狼木星。主錢財旺盛。婦女淫

亂。

乾變震。是天雷无妄。正與大壯反。金木相刑。震乾不比。又得廉貞火星。主男小口凶災疾病。

乾變離。是天火同人。正與大有反。金火相刑。離乾不比。又得破軍金星。主家長凶災。火光盜賊。

乾變乾。是伏吟。五行無尅伏位之神。陽旺陰衰。主陰人死亡。子孫忤逆。

坤變震。是地雷復。正與豫反。木土相尅。震坤不比。又得祿存土星。主人離財散。橫禍凶災。

坤變兌。是地澤臨。正與萃反。金土相生。兌坤比和。又得巨門土星。主田財不缺。後必絕嗣。

坤變乾。是地天泰。正與否反。金土相生。乾坤比知。又得武曲金星。主子孫興旺。田產遍野。

坤變離。是地火明夷。正與晉反。雖火土相生。離坤不比。又得文曲水星。王口舌災害。缺少子孫。

坤變艮。是地山謙。正與剝反。二土無尅。艮坤比合。又得貪狼木星。主子孫富貴。不利中男中女。

坤變巽。是地風升。正與觀反。木土相刑。巽坤不比。又得廉貞火星。主陰人疾病。子孫興旺。

坤變坎。是地水師。正與比反。水土相尅。坎坤不比。又得破軍金星。主投河落井。家敗人亡。

坤變坤。是伏吟。五行無尅。伏位之神。陰旺陽衰。主多寡居。兒孫少亡。

艮變離。是山火賁。正與旅反。雖火土相生。離艮不比。又得祿存土星。主子孫逃移。陰人病死。

艮變乾。是山天大畜。正與遯反。金土相生。乾艮比和。又得巨門土星。主子孫賢孝。不利。

陰人。

艮變兌。是山澤損。正與咸反。金土相生。乾艮比和。又得武曲金星。主人口興旺。田財進益。

艮變震。是山雷頤。正與小過反。木土相刑。震艮不比。又得文曲水星。主子孫橫禍。破財損畜。

艮變坤。是山地剝。正與謙反。二土無尅。坤艮比和。又得貪狼木星。主少男勞瘁。邪患尊輩。

艮變坎。是山水蒙。正與蹇反。水土相尅。坎艮不比。又得廉貞火星。主人離財散。小口死亡。

艮變巽。是山風蠱。正與漸反。木土相刑。巽艮不比。又得破軍金星。主官事疾病。損傷人口。

艮變艮。是伏吟。五行無尅。伏位之神。陽旺陰衰。主少女死亡。官災禍患。

兌變坎。是澤水困。正與節反。雖金水相生。坎兌不比。又得祿存土星。主子孫貧窮。口舌官災。

兌變坤。是澤地萃。正與臨反。金土相生。坤兌比和。又得巨門土星。主財旺絕嗣。異姓同居。

兌變艮。是澤山咸。正與損反。金土相生。艮兌比和。又得武曲金星。主人口興旺。子孫榮貴。

兌變巽。是澤風大過。正與中孚反。金木相尅。巽兌不比。又得文曲水星。主火災賊盜。人多病患。

兌變乾。是澤天夬。正與履反。二金無尅。乾兌比和。又得貪狼木星。主婦女淫邪。子女殘疾。

兌變離。是澤火革。正與睽反。金火相尅。離兌不比。又得廉貞火星。主人離財散。疼痛疾病。

兌變震。是澤雷隨。正與歸妹。反金木相刑。震兌不比。又得破軍金星。主六畜損傷。人口逃散。

兌變兌。是伏吟。五行無尅伏位之神。陰旺陽衰。主財旺子稀。一門寡居。

九星歷卦斷訣

生氣在坎離震巽爲得位。發福攸長。在乾兌爲內尅。在艮坤爲外戰。謂之吉星失陷。亦難發福。天醫在乾兌艮坤離爲得位。發福攸長。在震巽爲內尅。在坎宮爲外戰。謂之吉星失陷。亦難發福。

延年在乾兌爲得位。艮坤爲受生。發福攸長。在離宮爲內尅。在震巽爲外戰。謂之吉星失陷。亦難發福。

絕命在離宮。如窮獸被迫。猶能反噬。在震巽。如強梁得志。虐害忠貞。在艮坤。如積糧資寇。養虎貽患。在坎宮。如驅猛獸入穿。猶肆咆哮。在乾兌。如梟獍長大。反噬所生。

五鬼在震巽。如火生於木。焚澤燎原。在乾兌。如沃焦烈日。爍石流金。在艮坤。如火炎崑

岡玉石俱焚。在坎宮。如野葛烏頭。不受炮制。在離宮。如以膏益火。煙焰轉熾。禍害在震巽。如豪奴悍婢。雖受制。而包藏禍心。在乾兌。如黠虜歸王。始雖效順。終致反覆。在離宮。如認賊爲子。自劫家寶。在坎宮。如受人怙恃。恣肆猖狂。在艮坤。如朋比協從。圯族敗政。

六煞在乾兌。如獻笑靚妝。逾垣窺戶。在艮坤。如老婦妻於士夫。唱隨可醜。在震巽。如貞女失身。穢德彰聞。在坎宮。如濮上答歌。乘間贈藥。在離宮。如姑婦同室。啐語勃谿。

九星宮位斷訣

貪興長子巨興中。武曲小房定興隆。文敗中房祿敗少。破廉長子受貧窮。水一土二木三數。金四土五各相從。

九星子孫斷訣

貪生五子巨三郎。武曲金星四子強。獨火廉貞見二個。輔弼只是半兒郎。文曲水星多一子。破軍絕敗守孤孀。祿存土宿人延壽。生尅休囚仔細詳。

開門斷訣

乾坎二宅互相不宜開門。坎爲乾之文曲星。乾亦如之。主男女紊雜。淫亂無恥。家聲不潔。內金生外水。雖發財。亦主火盜。墮胎退產之患。

乾震二宅互相不宜開門。震爲乾之五鬼星。乾亦如之。金來尅木傷長子。火去傷金傷老翁。此乃星尅宮宮尅宮也。主火盜官非。牢獄之患。邪魔尅宮。父子不和。

乾巽二宅互相不宜開門。巽爲乾之禍害星。乾亦如之。謂之宮尅宮。乃老陽尅長婦。主墮胎產亡。男生風疾。兄弟不和。出入刁蹬。婦人自縊。祿存屬土生宮。雖有財不免諸病。乾離二宅互相不宜開門。離爲乾之絕命星。乾亦如之。乃星宮相尅。謂之金火相煎。老翁勞咳。少婦災傷。邪魔纏害。火盜相侵。日久破家。絕嗣敗絕。

坎艮二宅互相不宜開門。艮爲坎之五鬼星。坎亦如之。宮乃水土相尅。星乃水火相煎。主傷小口。邪魔纏害。投河自縊。宮災火盜。長子不孝。中子夭亡。寡婦熬煎之患。

坎坤二宅互相不宜開門。坤爲坎之絕命星。坎亦如之。乃母尅子。主中男不和。小口有

災。婦女墮胎。官非敗財。人生蠱病脾胃之災。陰旺陽衰。婦人管家。宮尅宮生禍。星生宮。雖有財。災害亦不免。

坎兌二宅互相。不宜開門。兌爲坎之禍害星。坎亦如之。外尅內宮。主中男不利。火盜官災。男惹官非。女遭產難。外宮生內。雖有子孫富盛。不免殘疾摧年。

艮震二宅互相。不宜開門。震爲艮之六煞星。艮亦如之。文曲入宅。星水宮木土。星宮相尅。主火盜官非。男遭訟害。女被產厄。小男少亡。人口生脾疾。瘟疫不免。

艮巽二宅互相。不宜開門。巽爲艮之絕命星。艮亦如之。破軍入宅。土木相尅。小男不利。長婦墮胎。火盜破財。主人生痞疾風癱。日久敗絕。

艮離二宅互相。不宜開門。離爲艮之禍害星。艮亦如之。禍害入宅。星與宮比。內宮生外。主小房疾病纏身。父子不和。風聲淫亂。但有黃蛇出見者。小子與中嫂通姦。此乃比和之應。

震坤二宅互相。不宜開門。坤爲震之禍害星。震亦如之。祿存星入宅。老母先亡。墮胎勞

疾亦主淫亂。先損財帛。後損人丁。此乃宮尅宮之害。

震兌二宅。乃龍虎之方。互相不宜開門。兌爲震之絕命星。震亦如之。破軍入宅。金木相尅。定傷長男長女。官災盜賊。癆瘵痞疾。目瞽之患。此乃星宮相尅之害。

巽坤二宅。互相不宜開門。坤爲巽之五鬼星。巽亦如之。廉貞入宅。宮尅宮。木土相尅。主老母多災。難產。癆腫。火盜。傷殘。疾病。摧年。陽衰陰旺。女人掌權。

巽兌二宅。互相不宜開門。兌爲巽之六煞。巽亦如之。文曲入宅。乃金尅木。宮尅宮也。主長男亡。陰衰之盛。老母先亡。子孫瘋顛。火盜。災害。淫亂。風聲。

離坤二宅。互相不宜開門。坤爲離之六煞。離亦如之。文曲入宅。宮尅星。星尅宮。水火土互相尅戰。淫陰相侵。主損陰人。退財損畜。墮胎內亂。

離兌二宅。互相不宜開門。兌爲離之五鬼。離亦如之。廉貞入宅。星宮相尅。謂之金火相煎。陰人受害。火盜相侵。邪魔纏擾。血光產難。翁母生離。財散敗絕。

門尺斷訣

九宮八卦數。一氣五行更。貞本貴人始。兼善濟蒼生。蘇蘇火次行。赫赫富持百。根盤叢棘盛。惟是少晶英。次三木尅土。樛木蔦蘿盈。戢戢螽斯羽。行行商耆成。次四木見金。有制中和行。衣冠優不俗。禮樂自清新。次五木逢水。時平生意萌。紅紫皆芬鬪。春來萬物榮。治土天災星。化成花色精。當產西施女。驚人自國傾。次二土生金。暗昧金斯生。沉埋多蔽魄。無明土蔽精。次三土尅水。龍虎鬪交爭。夫妻少和合。親隣不弟兄。次四土逢木。觸殺生災毒。十惡犯全凶。人絕家回祿。次五土得火。性燥不溫頗。戾隱自縊昏。惟宜速修可。合土天禍星。滲漏資財傾。走失家奴盜。人事且伶仃。次二土生金。食泄災愈深。故亡損幼小。速改免災星。次三土尅水。致青天災迤。饒人自修善。不免擾紛紛。次四土見木。觸人自毆爭。闔墻房閫內。速改免家傾。次五土得火。口舌相爭能。土田互論界。徒勞唇舌頻。利水天財星。天財逢木興。田蠶收百倍。且來龜十朋。次二水生木。進田徧丘麓。禾連茂林深。鼠雀皆平伏。次三水尅火。招財堆土塚。市賈宜斯門。買賣人成移。次四水逢土。六藝九流甫。性巧財不興。木命財神補。次五水得金。橫得財盈門。源來恆不息。木

命十分春。享金官祿星。加俸官祿陞。常人值此貴。官司戶役興。次二金生水。食祿迎資財。財聚民心散。衙門安不該。次三金尅木。辛酸相和合。美食珍羞嘉。膳府厨門作。次四金逢火。百煉還真精。學問希顏閔。孝弟堯舜心。次五金得土。土貴官祿生。爵祿蔭乎後。衣冠及子孫。人火孤獨星。如雪披麻衣。尅刑憂上下。家居聲嘆歎。次二火生土。食泄無資助。惟思學蹠行。偷人遠自露。次三火尅金。金財少聚寧。強立范丹志。徒自嘆孤貧。次四火見木。觸殺災厄起。心病人難醫。火炎災不止。次五火逢木。生盲成孤嫠。傷殘骨肉分。夫妻時反目。天火天賊星。火炎爭競凶。三梔田非得。於今又奪爭。次二火生土。食泄傷心腑。吐嘔血崩來。瘡膿紅濁苦。次三火尅金。尅金肺不清。痰疫加災火。長樓黃塌堯。次四火見水。觸殺婦兒死。堂上親不寧。人情薄如紙。元金宰相星。智慧空明生。萬殊由一本。一本萬殊行。次二金生水。如石居安穩。食泄真元金。不發不傷本。次三金尅木。妻財盈富旺。加丁日進錢。和睦人口廣。次四金見火。有制中無過。仁義遠傳揚。家藏多寶貨。次五金逢土。行履上人路。吉慶自天來。祥喜迎門戶。耦尺元金星。執持權柄卿。中立

無偏倚。濟弱與扶傾。次二金生水。盡是忠信行。待物無欺罔。謨猷少變更。次三金尅木。財旺生官祿。兼善濟時艱。蒼生咸仰福。次四金見火。有制金成器。俊雅有才名。術算能書藝。次五金得土。土生發人伍。氣質皆聰明。尙書佐明俯。耦逢天火星。一敗篋罄空。水命生財用。金生災訟凶。次二火生土。食泄退人壽。是知命水人。多應少其後。次三火見金。見財少見人。不孝傷根本。自絕及諸昆。次四火逢水。觸殺災厄否。若值土郎君。不死災不止。次五火得木。長病着牀臥。醫人不離門。速修改無禍。耦逢人火星。橫死家凶沒。修德速改之。德盛回天沐。次二火生土。食泄傷災毒。官事訟公庭。改修免刑戮。次三火尅金。肺腑受病深。夏來感時氣。速改免災臨。次四火見水。觸殺災迤否。土命多有財。不能置居址。次五火得木。子遺人少祿。門戶獨支持。顧影見雙逐。耦逢亨金星。攻習明六經。道義遵周孔。聲名遠播馨。次二金生水。才學工用深。莫訝天資美。食泄琢磨成。次三金尅木。清貴食天祿。翰顯立功勳。宜安公府屋。次四金見火。藝術得財速。財祿日盈門。運聚如鬼逐。次五金得土。土生天錫祿。出貴近君王。公庭安享福。耦逢利水星。水智文

章清。因文得財寶。書房門顯榮。次二水生木。富貴多庄屋。常人家可安。內藏有金玉。次三水尅火。進財又進寶。商賈安此門。店藏有百貨。次四水見土。智仁信誠輔。十善五福降。小人反多阻。次五水逢金。螽斯詠德馨。積德又積財。兒孫簪冠纓。耦逢合土星。悖逆無真情。作福自成梗。不改終須傾。次二土生金。食泄多外行。泣哭路亡故。急宜再改更。次三土尅水。離散家無主。速改此闕門。積修方可處。次四土見木。觸殺生災毒。男女帶桃花。奔合成淫慾。次五土得火。貪婪財與貨。飲酒忘真情。發狂醉不臥。耦逢治土星。酒色損其身。痺瘋疾肢體。速改始安生。次二土生金。邪天鬼弄人。戶牖自關閉。飛沙石打身。次三土尅水。尅水腎莖萎。春防時氣加。黃場臥不起。次四土見木。觸殺生災禍。羨里爲獄囚。含苦冤難過。次五土得火。雀舌災宜躲。公事起無由。官刑足顛跛。耦逢貞木星。木星產貴人。舉動真奇異。出類非等倫。次二木生火。詩書皆讀過。衣巾義路行。分外事不做。次三木尅土。橫得土財物。人家安此門。錢穀堆滿屋。次四木逢金。有制中和行。孝弟誠希舜。超羣能踐形。次五木得水。出官貴不已。積德宜此門。積惡官司起。



陽宅大全卷五

宅元十事

歷城周繼著 新安吳勉學校補

第一先定三元數。

宅者。易象也。一卦生七子。故有六十四卦。每卦有六爻。故有三百八十四爻。是爲宅根。如陰陽生人。陰六陽九。男三女三。共二十一數。如甲子有上元六十。中元六十。下元六十。共一百八十數。如九宮。坎一。坤二。震三。巽四。中五。乾六。兌七。艮八。離九。共四十五數。如干支。甲己子午九。乙庚丑未八。丙辛寅申七。丁壬卯酉六。戊癸辰戌五。巳亥四。共一百四十八數。通前三百九十四。爲婚元之數也。

二十四氣穿中遊。

二十四氣。是八宅建旺之日。如乾宅取立冬霜降小雪。坎宅取大雪冬至小寒。艮宅取大寒立春雨水。震宅取驚蟄清明春分。巽宅取穀雨立夏小滿。離宅取芒種夏至。

小暑坤宅取大暑立秋處暑兌宅取白露秋分寒露各一十五日皆本宅生氣月令
修造依此乘旺避衰也。

三論分房臨七政。

分房之說要合得星極之數。是一合九。二合八。三合七。四合六。五合十。五十有五。乃
河圖之數。除十餘四十五。是九宮縱橫八卦。通於八宅。化三百八十四爻。宅元盡矣。
今人只依南北坎離。東西震兌。不合四吉。不敢遷移。殊不知南北亦有震兌。東西亦
有坎離。謂之辰午申壬丁坎。酉艮。亥未甲震。癸坤。卯巽。乙庚丑巳兌。丙辛子戌寅離。
是也。

四議爻神換象抽。

八宅初爻。俱是火庵。二爻是首舍。如修布不合本宅吉路。只宜拆去首舍。界南爲陰。
界北爲陽。或陽改陰。或陰改陽。自然合法。外爻與內爻亦同。如乾宅布成震卦。抽變
爲兌。坎宅布成艮卦。抽變爲巽。謂之五鬼。修生氣也。艮宅布成離卦。抽變爲乾。震宅

布成坤卦。抽變爲坎。謂之禍害。補天依也。巽宅布成艮卦。抽變爲巽。離宅布成乾卦。抽變爲離。謂之絕命。添伏位也。坤宅布成離卦。抽變爲乾。兌宅布成巽卦。抽變爲艮。謂之六殺。造延年是也。

五是火庵拜易卦。

易有四象。四象卽老陽少陽老陰少陰是也。陽主順。從少至多。則以七爲少陽。九爲老陽。陰主逆。從多至少。則以八爲少陰。六爲老陰。俱以四象因之。老陽得三十六。老陰得二十四。合而爲六十。又少陽得二十八。少陰得三十二。亦合而爲六十。陰陽配偶。乃天地自然之數。非人力爲之。總計一百二十。則極其數也。陽以七減至一步盡矣。陰以八減至四步盡矣。

六明宅體數源流。

八宅體數根元。永定陰陽。若修造遷移。勿犯重陽重陰。如從正北遷去正南。名爲離宅。後日又遷去兌。或改作坤。離爲三陰。兌爲二陰。坤爲五陰。共十陰氣也。居則不利。

如從正南遷去正北。名爲坎宅。後日又遷去震。或改作艮。坎爲三陽。震爲二陽。艮爲五陽。共十陽氣也。居亦不利。必須陰陽配合。方是吉宅。

七疊布文成卦象。

如乾宅坐丙向壬。修成泰卦。坎宅坐甲向庚。修成未濟。艮宅坐乙向辛。修成咸卦。震宅坐庚向甲。修成噬嗑。巽宅坐壬向甲。修成水風井卦。離宅坐辛向乙。修成豐卦。坤宅坐艮向坤。修成否卦。兌宅坐辛向乙。修成損卦。是也。

八來遁甲九星搜。

八宅須先明遁甲易象。方知宅元奧妙也。天一生水。地六成之。天二生火。地七成之。天三生木。地八成之。天四生金。地九成之。天五生土。地十成之。故曰戴九履一。左三右七。二四爲肩。六八爲足。五在中央。縱橫十五。以成九宮。九星隨氣而轉也。

九推年月穿宮宿。

以年支卦內。取其直星入中宮。陽年順行。陰年逆行。飛到本宅。以辯吉凶也。如子年

危宿在乾。丑年畢宿在坎。寅年牛宿在艮。卯年虛宿在震。辰年女宿在巽。巳年氏宿在離。午年虛宿在坤。未年星宿在兌。申年參宿在乾。酉年鬼宿在坎。戌年畢宿在艮。亥年觜宿在震。如月宿正尾。二房。三亢。四翼。五星。六鬼。七觜。八昴。九婁。十室。十一虛。十二牛。如分房。一二十分。俱無直宿。只用漏宿是也。

十用廉真倒掛頭。

廉真獨管中央。頭隨中宮而轉。尾隨貪狼而旋。蓋十五分房。五分四正交換。子爲離九。右弼居正北。牛爲坎一。貪狼居正南。則廉真頭隨右弼向正北。爲倒懸之象也。學者識得此機。八宅小修。不得年月。只取廉真倒掛之例。不拘南北東西。春夏秋冬。皆宜修造。無所忌也。

後天立卦。是受諸先天之圖也。一卦有伏有參。如乾姤遯否觀剝晉大有。而復變乾。則天之氣盡矣。如坎節屯既濟革豐明夷師而復變坎。則水之氣盡矣。如艮賁大畜損睽履中孚漸而復變艮。則山之氣盡矣。如震豫解恒升井大過隨而復變震。則雷之氣盡。


八宅總圖



矣。如巽小畜家人益無妄噬嗑頤蠱而復變巽。則風之氣盡矣。如離旅鼎未濟蒙渙訟同人而復變離。則火之氣盡矣。如坤復臨泰大壯夬需比而復變坤。則地之氣盡矣。如兌困萃咸蹇謙小過歸妹而復變兌。則澤之氣盡矣。八卦八變。則天地風雷水火山澤之氣。皆餘蘊矣。

而宅之成敗。亦存乎五行相變之氣。如乾宅屬金。其氣止有四十年。坎宅屬水。其氣止有二十九年。艮宅屬土。其氣止有三十二年。震宅屬木。其氣止有三十一年。巽宅屬木。其氣止有三十五年。離宅屬火。其氣止有三十四年。坤宅屬土。其氣止有二十九年。兌宅屬金。其氣止有三十六年。氣餘氣善。氣盡氣惡者。是五行順布。索合附會。自然之數。故曰。無形之中。而具有形之實。有形之實。而體無形之妙。求福遠禍。趨吉避凶。皆由此知也。

八宅分圖



八卦相變。是乾坤初二三相錯而成也。乾老陽。屬金。坎中男。屬水。艮少男。屬土。震長男。屬木。巽長女。屬木。離中女。屬火。坤老陰。屬土。兌少女。屬金。皆陰陽之位也。以九星而運於陰陽方位之上者。乃五行自然之化。非一毫私智。安排布置於其間也。然後配合支分。所以通神明之德。而吉凶悔吝。無能逃其上矣。如坎離震巽爲東四宅。乾坤艮兌爲西四宅。東四不宜犯西。西四不宜犯東者。爲陰陽老少。各有相合之氣。八宅妙用。全在於此。理一分殊。非深於造化者。孰能識之。

乾宅圖說



復變乾為伏位也。

乾宮星卦相變禍福開具於后

乾變巽是天風姤。正與小畜反。金木相刑。巽乾不比。又得祿存土星。主自縊投河。陰人疾病。

乾屬老陽。以金為宅體。所宜者土。所惡者火。所妬者木。所生者水。往來添展。要合乾坤艮兌。勿犯他坎離震巽者。謂九星錯綜於乾之八方。一變巽為禍害。二變艮為天依。三變坤為延年。四變坎為六殺。五變兌為生氣。六變震為五鬼。七變離為絕命。八

乾變艮。是天山遯。正與大畜反。金土相生。艮乾比和。又得巨門土星。主資財榮貴。陰人
死亡。

乾變坤。是天地否。正與泰反。金土相生。坤乾比和。又得武曲金星。主夫賢妻順。人口平
安。

乾變坎。是天水訟。正與需反。雖金水相生。坎乾不比。又得文曲水星。主婦女殘疾。口舌
官事。

乾變兌。是天澤履。正與夬反。二金無尅。兌乾比和。又得貪狼木星。主錢財旺盛。婦女淫
亂。

乾變震。是天雷無妄。正與大壯反。金木相刑。震乾不比。又得廉貞火星。主長男小口。凶
災疾病。

乾變離。是天火同人。正與大有反。金火相刑。離乾不比。又得破軍金星。主家長凶災。火
光賊盜。

乾變乾。是伏吟。五行無尅伏位之神。陽旺陰衰。主陰人死亡。子孫忤逆。修造吉年。宜用己未。辛未。戊申。庚申。己酉。戊戌。庚戌。己亥。辛亥。吉月宜用七月。八月。十月。立冬。乾旺爲上元。霜降。戌旺爲中元。小雪。亥旺爲下元。三元之氣。各旺一十五日。皆乾之生氣也。

吉日吉時俱與年同。

修造凶年。不宜甲子。丙子。乙丑。丁丑。甲辰。丙辰。乙卯。丁卯。甲午。丙午。乙巳。丁巳。凶月。不宜二月。三月。四月。五月。十一月。

凶日凶時俱與年同。

小利年月。宜己丑。辛丑。庚辰。戊辰。庚寅。戊寅。辛酉。六月。七月。

乾宅房舍。宜西高東下。西北高。東南下。水出丁方。大門宜坤。中門宜庚。便門宜戌。亥。厨竈宜辰。巳。壬。癸。碾磨宜震。倉庫宜兌。井池宜坎。神堂宜乾。六畜宜未。申。是也。

坎宅圖說



坤爲絕命。八復變坎爲伏位也。

坎宮星卦相變禍福開具於后

坎變兌。是水澤節。正與困反。雖金水相生。兌坎不比。又得祿存土星。主子孫絕敗。賊盜橫禍。

坎變震。是水雷屯。正與解反。水木相生。震坎比和。又得巨門土星。主子孫富貴。小口不

坎屬中男。以水爲宅體。所宜者金。所惡者土。所妬者火。所生者木。往來添展。要合坎離震巽。勿犯他乾。坤艮兌者。謂九星錯綜於坎之八方。一變兌爲禍害。二變震爲天依。三變離爲延年。四變乾爲六殺。五變巽爲生氣。六變艮爲五鬼。七變

利。

坎變離。是水火既濟。正與未濟反。雖水火相尅。離坎比和。又得武曲金星。主眼疾破財。先利後貧。

坎變乾。是水天需。正與訟反。雖金水相生。乾坎不比。又得文曲水星。主官事逃亡。子女絕嗣。

坎變巽。是水風井。正與渙反。水木相生。巽坎比和。又得貪狼木星。主錢財大旺。婦女貴顯。

坎變艮。是水山蹇。正與蒙反。水土相刑。艮坎不比。又得廉真火星。主子孫貧窮。膈噎疾病。

坎變坤。是水地比。正與師反。水土相尅。坤坎不比。又得破軍金星。主中男死亡。人離財散。

坎變坎。是伏吟。五行無尅伏位之神。陽旺陰衰。主婦女死亡。災禍破財。

修造吉年。宜用甲子。壬子。乙卯。癸卯。甲午。壬午。乙巳。癸巳。

吉月。宜用十月。十一月。十二月。冬至坎旺爲上元。大雪壬旺爲中元。小寒癸旺爲下元。三元之氣。各旺一十五日。皆坎之生氣也。

吉日吉時。俱與年同。

修造凶年。不宜丙寅。戊寅。丁丑。己丑。丙申。戊申。丁未。己未。丙戌。戊戌。丁酉。己酉。凶月。不宜三月。四月。五月。六月。

凶日。凶時。俱與年同。

小利年月。宜丙子。丁卯。甲辰。壬辰。丙午。丙辰。乙巳。二月。十月。

坎宅房舍。宜北高南下。東高西下。水出巽方。大門宜巽。中門宜丙。便門宜壬。癸。厨竈宜未。申。庚。辛。碾磨宜艮。倉庫宜巽。井池宜乾。神堂宜坎。六畜宜辰。巳。是也。

艮宅圖說



艮屬少陽。以土為宅體。所宜者火。所惡者木。所妬者水。所生者金。往來添展。要合乾坤艮兌。勿犯他坎離震巽者。謂九星錯綜於艮之八方。一變離為禍害。二變乾為天依。三變兌為延年。四變震為六殺。五變坤為生氣。六變坎為五鬼。七變巽為絕命。八復變艮為伏位也。

艮宮星卦相變禍福開具於后

艮變離。是山火賁。正與旅反。雖火土相生。離艮不比。又得祿存土星。主子孫逃移。陰人病死。

艮變乾。是山天大畜。正與遯反。金土相生。乾艮比和。又得巨門土星。主子孫賢孝。不利。

陰人。

益。良變兌。是山澤損。正與咸反。金土相生。兌艮比和。又得武曲金星。主人口興旺。田財進。

損畜。良變震。是山雷頤。正與小過反。木火相刑。震艮不比。又得文曲水星。主子孫橫禍。破財。

輦。良變坤。是山地剝。正與謙反。二土無尅。坤艮比和。又得貪狼木星。主少男勞疾。邪患尊。

亡。良變坎。是山水蒙。正與蹇反。水土相尅。坎艮不比。又得廉貞火星。主人離財散。小口死。

口。良變巽。是山風蠱。正與漸反。木土相刑。巽艮比和。又得破軍金星。主官事疾病。損傷人。

良變艮。是伏吟。五行無尅。伏位之神。陽旺陰衰。主少女死亡。官災禍患。

修造吉年。宜用己丑。辛丑。戊申。庚申。己酉。辛酉。戊戌。庚戌。

吉月。宜用正月。九月。十二月。立春艮旺爲上元。大寒丑旺爲中元。雨水寅旺爲下元。三元之氣。各旺一十五日。皆艮之生氣也。

吉日吉時。俱與年同。

修造凶年。不宜甲子。壬子。乙卯。癸卯。甲午。壬午。乙巳。癸巳。甲辰。壬辰。

凶月。不宜三月。四月。五月。

凶日凶時。俱與年同。

小利年月。宜庚辰。戊辰。己未。辛未。庚寅。己亥。辛亥。十月。

艮宅房舍。宜西高東下。東北高。東南下。水出坤方。大門宜甲申。中門宜庚。便門宜丑寅。厨竈宜辰巳申乙。碾磨宜坎。倉庫宜坤。井池宜震。神堂宜艮。六畜宜庚辛。是也。

震宅圖說



震宮星卦相變禍福開具於后

震變坤。是雷地豫。正與復反。木土相刑。坤震不比。又得祿存土星。主老陰先亡。男婦多病。

震屬長男。以木為宅體。所宜者水。所惡者金。所妬者土。所生者火。往來添展。要合坎離震巽。勿犯他乾坤艮兌者。謂九星錯綜於震之八方。一變坤為禍害。二變坎為天依。三變巽為延年。四變艮為六殺。五變離為生氣。六變乾為五鬼。七變兌為絕命。八復變震為伏位也。

震變坎。是雷水解。正與屯反。水木相生。坎震比和。又得巨門土星。主財旺尅妻。子孫興盛。

震變巽。是雷風恒。正與益反。二木成林。巽震比和。又得武曲金星。主錢財興旺。人丁貴顯。

震變艮。是雷山小過。正與頤反。木土相刑。艮震不比。又得文曲水星。主火光賊盜。田產敗盡。

震變離。是雷火豐。正與噬嗑反。木火相生。離震比和。又得貪狼木星。主子孫貴顯。錢財進益。

震變乾。是雷天大壯。正與無妄反。金木相尅。乾震不比。又得廉真火星。主長男老翁官災死。

震變兌。是雷澤歸妹。正與隨反。金木相刑。兌震不比。又得破軍金星。主子孫絕敗。投河縊刃。

震變震。是伏吟。五行無尅伏位之神。陽旺陰衰。主家門榮貴。陰人死亡。修造吉年。宜用甲子。壬子。丙子。乙卯。丁卯。癸卯。甲午。壬午。丙午。

吉月。宜用正月。二月。三月。十一月。春分震旺爲上元。驚蟄甲旺爲中元。清明乙旺爲下元。三元之氣。各旺一十五日。皆震之生氣也。

吉日吉時。俱與年同。

修造凶年。不宜己未。辛未。戊申。庚申。己酉。辛酉。戊戌。庚戌。己亥。辛亥。


凶月。不宜五月。六月。七月。八月。九月。

凶日凶時。俱與年同。

小利年月。宜丙辰。壬辰。甲辰。乙巳。丁巳。癸巳。十月。十一月。

震宅房舍。東高西下。北高南下。水出坎方。大門宜丙。中門宜巳。便門宜甲乙。厨竈宜未申丑寅。碾磨宜乾。倉庫宜離。井池宜艮。神堂宜巽。六畜壬癸是也。

異宅圖說



巽屬長女。以木為宅體。所宜者水。所惡者金。所妬者土。所生者火。往來添展。要合坎離震巽。勿犯他乾坤艮兌者。謂九星錯綜於巽之八方。一變乾為禍害。二變離為天依。三變震為延年。四變兌為六殺。五變坎為生氣。六變坤為五鬼。七變艮為絕命。八復變巽為伏位也。

巽宮星卦相變禍福開具於后

巽變乾。是風天小畜。正與姤反。金木相刑。乾巽不比。又得祿存土星。主尊長災禍。出有妖媚。

巽變離。是風火家人。正與鼎反。木火相生。離巽比和。又得巨門土星。主婦人寡居。先富後貧。

巽變震。是風雷益。正與恒反。二木成林。震巽比和。又得武曲金星。主人口興旺。富貴雙全。

巽變兌。是風澤中孚。正與大過反。金木相尅。兌巽不比。又得文曲水星。主聾瞽殘疾。子女逃散。

巽變坎。是風水渙。正與井反。水木相生。坎巽比和。又得貪狼木星。主子孫榮貴。田產益進。

巽變坤。是風地觀。正與升反。木土相尅。坤巽不比。又得廉真火星。主子孫夭凶。膈噎疾病。

巽變艮。是風山漸卦。正與蠱反。木土相刑。艮巽不比。又得破軍金星。主心痛腫病。子少亡。

巽變巽。是伏吟。五行無尅伏位之神。陰旺陽衰。主田財旺盛。子孫稀少。

修造吉年。宜用甲子。壬子。丙子。乙卯。丁卯。癸卯。乙巳。丁巳。甲午。丙午。

吉月。宜用二月。三月。四月。五月。立夏巽旺爲上元。穀雨辰旺爲中元。小滿巳旺爲下元。

三元之氣。各旺一十五日。皆巽之生氣也。

吉日吉時。俱與年同。

修造凶年。不宜庚寅。戊寅。辛未。己未。庚申。戊申。辛酉。己酉。戊戌。庚戌。辛亥。己亥。

凶月。不宜六月。七月。八月。十月。

凶日凶時。俱與年同。

小利年月。宜甲辰。丙辰。壬辰。壬午。癸卯。癸巳。正月。三月。

巽宅房舍。宜南高北下。東南高。西北下。水出壬方。大門宜甲。中門宜坎。便門宜丙。丁。廚竈宜庚辛丑寅。碾磨宜坤。倉庫宜坎。井池宜乾。神堂宜震。六畜宜丙。丁。是也。

離宅圖說



離屬中女。以火為宅體。所宜者木。所患者水。所妬者金。所生者土。往來添展。要合坎離震巽。勿犯他乾坤艮兌者。謂九星錯綜於離之八方。一變艮為禍害。二變巽為天依。三變坎為延年。四變坤為六殺。五變震為生氣。六變兌為五鬼。七變乾為絕命。八復變離為伏位也。

離宮星卦相變禍福開具於后。離變艮。是火山旅。正與賁反。雖火土相生。艮與離不比。又得祿存土星。主損財傷畜。賊盜喪禍。

離變巽。是火風鼎。正與家人反。木火相生。巽離比和。又得巨門土星。主錢財旺盛。子孫絕敗。

離變坎。是水火未濟。正與既濟反。雖水火相尅。坎離比和。又得武曲金星。主眇目眼疾。田財大旺。

離變坤。是火地晉。正與明夷反。雖火土相生。坤離不比。又得文曲水星。主二姓同居。子女貧賤。

離變震。是火雷噬嗑。正與豐反。木火相生。震離比和。又得貪狼木星。主男孝女貞。一門貴顯。

離變兌。是火澤睽卦。正與革反。金火相尅。兌離不比。又得廉真火星。主官事破財。婦女早亡。

離變乾。是火天大有。正與同人反。金火相尅。乾離不比。又得破軍金星。主子孫夭壽。家長噎病。

離變離。是伏吟。五行無尅伏位之神。陰旺陽衰。主家門興旺。後無子嗣。修造吉年。宜用乙卯。丁卯。癸卯。丙辰。甲辰。己巳。丁巳。癸巳。甲午。丙午。

吉月。宜用四月。五月。六月。夏至離旺爲上元。芒種丙旺爲中元。小暑丁旺爲下元。三元之氣。各旺一十五日。皆離之生氣也。

吉日吉時。俱與年同。

修造凶年。不宜壬寅。庚寅。辛未。癸未。壬申。庚申。辛酉。癸酉。壬戌。庚戌。辛亥。癸亥。

凶月。不宜七月。八月。九月。十月。十一月。

凶日凶時。俱與年同。

小利年月。宜甲子。丙子。壬子。癸卯。壬辰。壬午。二月。三月。

離宅房舍。宜東高西下。南高北下。水出甲方。大門宜坎。中門亦宜坎。便門宜丙。丁。厨竈宜戌亥未申。碾磨宜兌。倉庫宜震。井池宜坤。神堂宜巽。六畜宜辰巳是也。



坤宅圖說



坤屬老陰。以土爲宅體。所宜者火。所惡者木。所妬者水。所生者金。往來添展。要合乾坤艮兌。勿犯他坎離震巽者。謂九星錯綜於坤之八方。一變震爲禍害。二變兌爲天依。三變乾爲延年。四變離爲六殺。五變艮爲生氣。六變巽爲五鬼。七變坎爲絕命。八復變坤爲伏位也。

坤宮星卦相變禍福開具於后

坤變震。是地雷復。正與豫反。水土相尅。震坤不比。又得祿存土星。主人離財散。橫禍凶災。

坤變兌。是地澤臨。正與萃反。金土相生。兌坤比和。又得巨門土星。主財田不缺。後必絕

嗣。

坤變乾。是地天泰。正與否反。金土相生。乾坤比和。又得武曲金星。主子孫興旺。田產遍野。

坤變離。是地火明夷。正與晉反。雖火土相生。離坤不比。又得文曲水星。主口舌災患。缺少孫支。

坤變艮。是地山謙。正與剝反。二土無尅。艮坤比和。又得貪狼木星。主子孫富貴。不利中男中女。

坤變巽。是地風升。正與觀反。木土相刑。巽坤不比。又得廉眞火星。主陰人疾病。子孫不興。

坤變坎。是地水師。正與坎反。水土相尅。坎坤不比。又得破軍金星。主投河落井。家破人亡。

坤變坤。是伏吟。五行無尅。伏位之神。陰旺陽衰。主多寡居。兒孫少亡。

修造吉年。宜用庚寅。戊寅。己丑。辛酉。庚戌。戊戌。己亥。辛亥。

吉月。宜用六月。七月。八月。立秋坤旺爲上元。大暑未旺爲中元。處暑甲旺爲下元。三元之氣。各旺一十五日。皆坤之生氣也。

吉日吉時。俱與年同。

修造凶年。不宜壬子。甲子。乙卯。癸卯。壬辰。甲辰。乙巳。癸巳。壬午。甲午。

凶月。不宜二月。三月。四月。五月。

凶日凶時。俱與年同。

小利年月。宜用己丑。辛丑。戊申。庚申。辛未。三月。九月。

坤宅房舍。宜西南高。東北下。西高東下。水出丑方。大門宜亥。中門宜艮。便門宜未申。厨竈宜甲乙壬癸。碾磨宜巽。倉庫宜艮。井池宜離。神堂宜寅丑。是也。

兌宅圖說



兌屬少陰。以金爲宅體。所宜者土。所惡者火。所妬者木。所生者水。往來添展。要合乾坤艮兌。勿犯他坎。離震巽者。謂九星錯綜於兌之八方。一變坎爲禍害。二變坤爲天依。三變艮爲延年。四變巽爲六殺。五變乾爲生氣。六變離爲五鬼。七變震爲絕命。八復變兌爲伏位也。

兌宮星卦相變禍福開具於后

兌變坎。是澤水困。正與節反。雖金水相生。坎兌不比。又得祿存土星。主子孫貧窮。口舌官災。

兌變坤。是澤地萃。正與臨反。金土相生。坤兌比和。又得巨門土星。主財旺絕嗣。異姓同

居。

兌變艮。是澤山咸。正與損反。金土相生。艮兌比和。又得武曲金星。主人口興旺。子孫榮貴。

兌變巽。是澤風大過。正與中孚反。金木相尅。巽兌不比。又得文曲水星。主火災賊盜。人多病患。

兌變乾。是澤天夫。正與履反。二金無尅。乾兌比和。又得貪狼木星。主婦女淫邪。子孫殘疾。

兌變離。是澤火革。正與睽反。金火相尅。離兌不比。又得廉貞火星。主人離財散。疼痛疾病。

兌變震。是澤雷隨。正與歸妹反。金木相刑。震兌不比。又得破軍金星。主六畜損傷。人口逃散。

兌變兌。是伏吟。五行無尅。伏位之神。陰旺陽衰。主財旺子稀。一門寡居。

修造吉年。宜用己丑。辛丑。己未。辛未。己酉。戊寅。己亥。辛亥。

吉月。宜用七月。八月。九月。秋分兌旺爲上元。白露庚旺爲中元。寒露辛旺爲下元。三元之氣。各旺一十五日。皆兌之生氣也。

吉日吉時。俱與年同。

修造凶年。不宜甲子。丙子。乙卯。丁卯。甲辰。丙辰。乙巳。癸巳。甲午。丙午。

凶月。不宜三月。四月。五月。十一月。

凶日凶時。俱與年同。

小利年月。宜戊戌。庚戌。戊申。庚申。辛酉。庚寅。正月。六月。

兌宅房舍。宜西高東下。西北高。東南下。水出寅方。大門宜丑。中門宜震。便門宜庚辛。廚竈宜辰巳壬癸。碾磨宜離。倉庫宜乾。井池宜巽。神堂宜艮。六畜宜未申是也。

火庵圖說




陽北陰南界為戌辰

凡修造不立火庵。是無根冷氣之宅。居則凶多吉少。庵之遠近。卽易之四象。老陰老陽。少陰少陽。所積之數。配偶而成也。迺天地自然之用。非人力爲之。如乾宅去中宮。該五十三步。或三十二步。坐丙向壬。是乾受初九一陽之氣也。坎宅去

中宮。該五十二步。或二十八步。坐甲向庚。是坎受初六一陰之氣也。艮宅去中宮。該五十二步。或二十八步。坐乙向辛。是艮受初六一陰之氣也。震宅去中宮。該五十三步。或三十二步。坐庚向甲。是震受初九一陽之氣也。巽宅去中宮。該五十二步。或二十八步。坐壬向丙。是巽受初六一陰之氣也。離宅去中宮。該五十三步。或三十二步。坐辛向乙。是離受初九一陽之氣也。坤宅去中宮。該五十三步。或二十八步。坐艮向坤。是坤受初

六一陰之氣也。兌宅去中宮。該五十三步。或三十二步。坐辛向乙。是兌受初九一陽之氣也。二氣之初。理妙於無者。因從火庵布出。而五行之氣始叙。謂之形著而氣隱。氣著而理存也。考之諸書。庵即太極。生陰生陽。皆由此出。合而言之。則知其異。析而言之。則知其同。微而言之。則知其顯。充而言之。則知其不可窮。其玄矣哉。

九宮建造圖說



九宮建宅。即戴九履一。左三右七。二四爲肩。六八爲足。五在中央。參伍以變。錯綜其數也。其法以象上定生宮。又退五宮爲定。再將行年的遊年變宅法。配而合之。如上元甲子生人。男起七宮。逆行。女起五宮。順行。中元甲子生人。男起一宮。逆行。女起一宮。順行。下元甲子生

人。男起四宮逆行。女起八宮順行。右直生氣延年。天乙伏位大吉。五鬼六殺絕命禍害。大凶。假如上元戊辰生人。其年三十七歲。是三宮生人。退五宮至七宮爲定。行年在八宮。以八宮艮之遊年變入七宮兌上見延年。餘皆做此。

傳送 從魁 河魁 登明

流年建宅。是生命適合諸家星辰。卽

小吉 神后

行年小運也。陽命生人。一歲起功曹。逆行。陰命生人。一歲起傳送順行。一

流年建宅造圖說

勝光 大吉

年一位。數至流年以上。見勝光神后功曹。傳送爲大通。登明大吉。小吉爲小

太乙 天罡 太冲 功曹

通。從魁太乙太冲爲小凶。天罡河魁爲大凶。是也。假如寅生人。其年三十

五歲。一歲從寅逆行。十一在子。二十一在戌。三十一在申。零年節節數去。到辰是天罡。餘皆做此。

命辰建造圖說

宅破墓破甲巳乙庚丙辛丁壬戊癸
神宅神墓年 年 年 年 年

子生人

巳亥未丑。倉庫。白衣。盜賊。青龍。明喜。

丑生人

午子申寅。白衣。盜賊。青龍。明喜。倉庫。

寅生人

未丑酉卯。白衣。盜賊。青龍。明喜。倉庫。

卯生人

申寅戌辰。盜賊。青龍。明喜。倉庫。白衣。

辰生人

酉卯亥巳。盜賊。青龍。明喜。倉庫。白衣。

巳生人

戌辰子午。青龍。明喜。倉庫。白衣。盜賊。

午生人

亥巳丑未。青龍。明喜。倉庫。白衣。盜賊。

未生人

子午寅申。青龍。明喜。倉庫。白衣。盜賊。

申生人

丑未卯酉。青龍。明喜。倉庫。白衣。盜賊。

酉生人 寅申辰戌。明喜。倉庫。白衣。盜賊。青龍。

戌生人 卯酉巳亥。明喜。倉庫。白衣。盜賊。青龍。

亥生人 辰戌午子。倉庫。白衣。盜賊。青龍。明喜。

十二命辰。是流年五行生旺休囚。以別吉凶也。其法以命前五辰爲宅神。命後一辰爲破宅。命前七辰爲墓神。一神爲破墓。再看宅神上。行年遁得是何干。如甲己倉庫之神。乙庚白衣之神。丁壬青龍之神。丙辛盜賊之神。戊癸明喜之神是也。假如甲子生人。命前五辰巳。卽宅神五虎遁元。正月建丙寅。其宅上得己巳各爲倉庫。餘皆倣此。

抽 元泰卦 一一一一一

爻 西舍 坤舍 南舍 東舍 北舍 火庵

換 變益卦 一一一一一

象 東舍 北舍 西舍 坤舍 南舍 火庵


圖 變節卦 一一一一一

說

西舍 北舍 坤舍 南舍 東舍 火庵

凡取象皆從一卦而生。一卦有六爻。要知順逆。審而用之。有凶宅而修凶位。每成吉兆。有吉宅而修吉位。反遭凶殃。蓋因不明抽換變化比和。以致災福怪異。無所適從。今立此圖。庶得一目了然。如乾宅內外火路修布成坤上乾下。天地泰卦。大吉之宅。若將先造北舍東舍。又重修抽換成巽上震下。是風雷益卦。雖內外爻象比和。節與祖乾不比。乃不利之宅。又將先造北舍西舍。再重修抽換成坎上兌下。是水澤節卦。不惟內外不比。亦與祖乾不比。乃大凶之宅。餘皆倣此。

分居移徙圖說



分房遷移。是變其本卦。各隨方位以定。

辰入戌。巳入亥。巽入乾。是四陰得四陽之氣也。丙入壬。午入子。丁入癸。是三陰得三陽之氣也。未入丑。申入寅。坤入艮。是五陰得五陽之氣也。庚入甲。酉入卯。辛入乙。是二陰得二陽之氣也。戌入辰。乾入巽。亥入巳。是四陽得四陰之氣也。壬入丙。子入午。癸入丁。是三陽得三陰之氣也。丑入未。寅入申。艮入坤。是五陽得五陰之氣也。申入庚。卯入酉。乙入辛。是二陽得二陰之氣也。如從陽入陰。從陰入陽。謂之得道。百事亨通。如從陽入陽。從陰入陰。是陰陽乖錯。百凡不利。

乾房分圖

右兌
中乾
左坎
右兌
左坎
右兌
左坎


乾屬金。與土相生。西是福德。東是刑禍。如三分中乾。左坎。右兌。五分。七分。九分。亦如之。
如四分。左二俱坎。右二俱兌。六分。八分。十分。亦如之。

坎房分圖

	東震	中坎	西兌	
東震		東震	西兌	西兌


坎屬水。與木相生。東是福德。西是刑禍。如三分。中坎。東震。西兌。五分。七分。九分。亦如之。如四分。東二俱震。西二俱兌。六分。八分。十分。亦如之。

艮房分圖



艮屬土。與金相生。西是福德。東是刑禍。如三分。中艮。左震。右坎。五分。七分。九分。亦如之。
如四分。左二俱震。右二俱坎。六分。八分。十分。亦如之。

震房分圖




震屬木。與水相生。東是福德。西是刑禍。如三分中震。南離。北坎。五分。七分。九分。亦如之。
如四分。南二俱離。北二俱坎。六分。八分。十分。亦如之。

巽房分圖

	左離	中巽	右震	
左離	左離	右震	右震	

巽屬木。與水相生。東是福德。西是刑禍。如三分。中巽。左離。右震。五分。七分。九分。亦如之。
如四分。左二俱離。右二俱震。六分。八分。十分。亦如之。

離房東圖



離屬火。與木相生。東是福德。西是刑禍。如三分中離。東震。西兌。五分。七分。九分。亦如之。
如四分。東二俱震。西二俱兌。六分。八分。十分。亦如之。

坤房分圖

	左兌	中坤	右離	
左兌		左兌	右離	右離

坤屬土。與金相生。西是福德。東是刑禍。如三分中坤。左兌。右離。五分。七分。九分。亦如之。如四分。左二俱兌。右二俱離。六分。六分。十分。亦如之。

兌房分圖

南離

南離

南離

中兌

北坎

北坎

北坎

兌屬金。與土相生。西是福德。東是刑禍。如三分中兌。北坎。南離。五分。七分。九分。亦如之。
如四分。北二俱坎。南二俱離。六分。八分。十分。亦如之。

分 房 總 圖

坤 軒 巽 巽

坤 離 巽

巽

坤

巽

坤

坤

艮

兌

乾

艮

乾

乾

艮 坎 乾

艮 艮 乾 乾

如五院房屋。五分之。東院屬震。南院屬離。西院屬兌。北院屬坎。中院屬坤。是也。如四合頭房。四分之。南離北坎。東震西兌。無容別議。至於見房三分。北中坎。左艮右乾。南

中離。左坤。右巽。東中震。左巽。右艮。西中兌。左乾。右坤。各以分地住居為名。如見房四分。北左二俱艮。右二俱乾。南左二俱坤。右二俱巽。東左二俱巽。右二俱艮。西左二俱乾。右二俱坤。亦各以分地住居為名。如無分房。八九十分。或十一。十二。十三。十四。十五。俱直無宿。用漏宿加入中宮。轉本宅。論生尅斷之。猶恐未明。另立宿圖於后。


二十八宿臨宮圖說



分房之法前已悉。載此係星極之數。東西亦有坎離。南北亦有震兌。四面八方皆可遷修。恐經秘理玄。難以測識。今舉其要節以明之。自巽宮起角。逆行二十四位。其四維各管二宿。支干止管一宿。周於四面。乃為七政。若修造遷移。竟以方宿直入中宮。陽順陰逆。數至本宅。詳看生尅。則知其吉。

凶也。假如離宅分得辛字。將胃宿直入中宮。順飛到離。見參宿屬水。離屬火。是水火相尅。不利。如乾宅子年修造。將虛星直入中宮。順飛到乾。見危宿屬水。乾屬金。是金水相生。大吉。如丑年修造。用牛宿逆飛到乾。見胃。餘皆倣此。

九星流年臨宮圖



九星。卽都天轉運貪巨祿文廉武破左右是也。如子酉年貪狼在中宮。丑戌年貪狼在巽。寅亥年貪狼在震。卯年貪狼在坤。辰年貪狼在坎。巳年貪狼在離。午

年貪狼在艮。未年貪狼在兌。申年貪狼在乾。順飛九宮。則知某年某星臨某方也。

月建九星。如正月十月貪狼在中宮。二月十一月貪狼在巽。三月十二月貪狼在震。四月貪狼在坤。五月貪狼在坎。六月貪狼在離。七月貪狼在艮。八月貪狼在兌。九月貪狼

在乾。順飛九宮。亦知某月某星臨是方也。

八宅皆不外於易象而變。凶中隱吉。吉中藏凶。雖前圖已載。不過指其周圍方位而言。但人家房舍。有一進二進三進四進五進六進。甚至十進者。原非創建。來路分房之宅。其層數星辰何次分別也。必用穿宅之法。如頭層爲水。次卽木星。又次卽火。又次卽土。又次卽金。五行相生。周而復始。層層生去。直至伏位方止。若貪狼星現。清高富貴。巨門星現。積善人家。祿存星現。妻女橫傷。文曲星現。逃姪疾病。廉眞星現。火光官事。武曲星現。文明顯貴。破軍星現。子孫少亡。輔弼星現。師巫娼盜。廣大悉備。妙用無窮。堪輿家推明理氣。實本於此。後之學者。失其眞傳。種種多門。不勝穢陋。宜乎世人惑而闢焉。今識得易卦。配合陰陽。形勢方位。交相爲用。以體天道。以驗人事。庶乎不謬。

遊年歌

乾六天五。禍絕延生。

坎五天生。延絕禍六。

艮六絕禍。生延天五。

震延生禍。絕五天六。

巽天五六禍生絕延。
坤天延絕。生禍五六。

離六五絕。延禍生天。
兌生禍延。絕六五天。

子孫歌

貪生五子巨三郎。

武曲金星四子孫。

獨火廉真見二個。

輔弼知是半兒郎。

文曲水星多一子。

破軍絕敗守孤孀。

祿存土宿人延壽。

生尅休囚仔細詳。

疾病歌

金木凶死顛狂病。

水土相犯不和親。

木土定知傷脾胃。

水金癆疊禍來侵。

興廢歌

貪興長子巨興中。

武曲小房必定興。

文敗中房祿敗少。

破廉長子受貧刑。

水一火二木三數。

金四土五不須窮。

化象歌

純陰每歲多疾病。

純陽財旺無兒孫。

內尅外交賊不入。

外尅內爻傷主身。

陰入陽宮先生女。

陽入陰宮定生男。

年限歌

五鬼應在寅午戌。

六殺元來申子辰。

絕命怕逢巳酉丑。

禍害天依是土神。

生氣吉凶亥卯未。

九星加處細排論。

陽宅大全卷六

歷城周繼著 新安吳勉學校補

八正門

坎離震兌固爲四正門。然坐乾開巽門。坐巽開乾門。坐艮開坤門。坐坤開艮門。亦爲四正門。其貫井之訣。俱自坐宮。用遊年順數至門。是何星。如金星第一層就是金。二層水是也。經云。門在四正。則翻坐上星以此。

二十隅門

向兌向坎開乾門。向坎向震開艮門。向震向離開巽門。向離向兌開坤門。固爲四隅門。至於向乾開兌門。坎門。向艮開坎門。震門。向巽開震門。離門。向坤開離門。兌門。亦爲四隅門。合向離開震門。兌門。乾門。艮門。爲二十隅門。其貫井之訣。俱自大門。用遊年順數至向宮。是何星。如水星第一層就是水。二層木是也。經云。門在四隅。則用向上星以此。

貫井之說

蓋謂先用遊年布宅八方。則在外八方之吉凶定矣。但中間房之層數。不知屬何星。無以定凶定吉。故有貫井之說。正門隅門。皆用五行順生貫入。如金生水。水生木。木生火。火生土之類。遊年五行。不是順生。如乾六屬水。天屬土。五屬火。禍屬土。絕屬金。延屬金。生屬木。則是水能生土。土能生火。火雖是生土。土雖是生金。然土何以生金。金何以生水。遊年原非用之以貫井。若貫井用遊年。則坎離震兌門。何不以遊年貫。而以金水木火土貫耶。此必術士之誤傳也。

斷房之訣

專以房之高大爲用。要與門并房屋所入宮。論五行生尅制化耳。如門屬土。房亦屬土。是比合。若入水宮。是星尅宮。或房屬金。是門土生房金。若入土宮。是宮生星。若入水宮。是星生宮。雖門土尅宮水。豈知水遇金。金遇土。則門土只生房金。不惟不尅水。而水得金則生矣。最忌者。木若入火宮。則木生火。火生土。經云。木能尅土。亦能生火。以生土。或

水遇土而無金。則水必受尅。土亦洩氣。五年土氣盡變水矣。土遇木而無火。則土必受尅。木亦洩氣。三年木氣盡變土矣。其餘俱倣此斷。

斷門之訣

八卦從門上起遊年。各宮各有星。獨門無星。門無星何以知之。看一宅內房之高大者。在何宮。就從本宮起遊年。順數至門屬何星。卽爲何星也。原非從坐宮數至門而得之者也。四正門用坐宮翻星。只謂門無星。不便於貫井。不得不從坐宮翻星也。不然。隅門當以坐宮到門之星貫。何乃以門上起遊年。至向上之星貫之哉。如坐坎開巽門。從坎宮數至門爲生氣。卻有高房在坎宮。此必大利之宅無疑。若艮宮有高房。巽門不變而爲絕命耶。且星尅門宮也。況寄土宮乎。乾宮有高房。巽門不變而爲禍害耶。且星尅門宮也。況帶土星乎。又如坎門原坐離宮。離房延年之金。受火之尅。況水能尅火。經云。雖是夫婦損妻房。若巽宮有高房。則門爲生氣。大吉。坤宮有高房。則門爲絕命。大凶。信乎。門星非從坐宮得明矣。此就兩層房而言。或有三層四層以至五六層者。另以制爻高

房論。如離門坐坎。翻宮屬延年。若高房在第二層。門爲六煞之門。水尅火弗利。若高房在第三層。門爲生氣之門。木生火大利。又如坤門坐坎。從坐宮坎上數至坤屬絕命。第四層房高。非絕命則天乙也。第五層房高。非絕命則延年也。信乎門星非從坐宮而得。益明矣。苟專以坐宮斷門。惟巽門得生氣全吉。其餘門俱不利。俱不宜住。余所謂八卦無全吉。五行無定用。只看四主生尅制化。以定吉凶。庶幾近之。

各宅制爻分宮之訣

有以方位長短論者。有以房之層數論者。如坐北向南。止造房二層。南一層屬火。北一層屬水。造房三層。南火。中土。北水。造房四層。南二層屬火。北二層屬水。造房五層。南二層屬火。中一層屬土。北二層屬水。造房六層。南二層屬火。中二層屬土。北三層屬水。卻以制爻及門之星。論生尅吉凶。

截路更門分房之訣

假如坐南向北。一宅三所門。坎門。三所雖統於坎門。各所另有門通入。中間原不相通。

則居中一所。純是坎門無疑。左一所以艮門論房。右一所以乾門論房。其餘各宅做此。貫井不透末層之訣。

假如坐兌開震門。造房四層。則末後一層。中間仍以分房屬陰金論。不以貫井屬火論。坐坎開巽門。造房五層。則末後一層。中間仍以分房屬陽木論。不以貫井屬火論。各宅做此。

貫井純全夾雜之訣

主房必全用吉星。不可凶星夾雜。假如巽門坎宅。宜造房五層。則第四層純是木星。無陰金陰土夾雜。第五層房中間。仍是木星。左邊屬陰金。右邊屬陰土。不利。若地基不能造房五層。必四層。或止二層。房兩頭有空地。或有小房。以當陰金陰土。亦爲全吉。各宅做此。惟有艮門兌宅。末後一層。全是吉星。

五行生剋制化之訣

假如坤門艮房高。是木來剋土。少男弱。制爻有火星。或巽上起高房。補出火星。則木便

生火以制木。不來尅土。火便生土。則土與木化。不受木尅。少男反強。餘宅五行倣此。

宅運年限革故鼎新之訣

宅舍先吉後不吉者。未知接氣也。假如宅得木局。三月受氣。三年氣足。三十年氣衰。若得水。便可至一百三十年。必須二十八九年修理更新。則木氣不衰。可保常吉。土金各照年限。定數修理。庶免衰敗。

凶宅抽爻換象之訣

假如此宅不利。看係某凶星高大。造吉星以壓之。如火星造木星。貪狼降五鬼。水星造金星。武曲化六煞。金星造土星。巨門制破軍。又如少一爻。多一爻。或吉星不顯。或門尅房。或宮尅星。或星尅宮。或本家鄰居左右前後。有道路水坑岡阜。必須度量增減修理。卽轉凶爲吉。

起建新宅之訣

假如坐坎向離。開巽門。正南立一火庵。卽正北起高房或樓。爲主房。則水得金。生木得

水生有根之宅也。就畫一奇爻。或次造東房。就畫一奇爻。或次造西房。就畫一偶爻。從此以後。不拘東西南北。或一二十座。十四五座。各照陰陽。陰畫偶。陽畫奇。只留上六爻。裝成何卦。東裝東。西裝西。吉。乾坤艮兌爲西。坎離震巽爲東。必須陰陽相配。孤陰乏子嗣。寡陽傷婦女。莫若起造之時。計算先定。要裝何卦。只把後造六座房。定作六爻。萬無一失。如止有房一座。屬陽。止有一爻。上面再加五奇。畫成純乾卦。或二座。一陽一陰。上面再加四爻。成既濟卦。少必加。多必減。此裝卦之訣也。

遷宅口氣之訣

且舊宅左東北。不宜遷正南及東南。並正東正北。宜遷西南西北正西。假如東北往西南。遷居新宅爲坤卦。已有三爻成上卦。從陽方來變陰。畫一偶爻。至於二爻。仍從陽方帶去。畫一奇爻。然後以煙火之處爲初爻。如在北房。則陽變陰。畫一偶爻。裝成地水師。爲絕命凶。在西房。則陰變陽。畫一奇爻。裝成地澤臨。爲天乙。先吉後凶。在東北西北。則陽變陰。畫一偶爻。雖裝成地水師。但以坤配乾。裝成地天泰。爲延年。以坤配艮。裝成地

山謙爲生氣大吉。餘宅做此。

八卦完缺以避凶星之訣

假如巽門坤門。兩宅並建。俱各相通。止有坤兌乾艮震巽六卦。缺坎離二卦。坤門吉。巽門凶。若三宅則八卦完矣。巽門中一所吉。坤門凶。各門做此。

修造年月日時之訣

假如造兌宅艮門。必須擇庚辛酉丑寅未申戌己年月日時爲吉。乾坤艮宅門同用。又如造離宅坎門。必須擇壬癸子甲乙卯辰巳丙丁午年月日時爲吉。坎震巽宅門同。

五行吉凶應驗之訣

木星應在亥卯未年。若得水星入水宮。則申子辰亦應。水生木也。若又得金星。則巳酉丑年亦應。金生水。水生木也。餘星做此。

九星斷吉凶之訣

貪狼清高富貴。發財廣置田莊。妻賢子孝。貌才強。大小聰明俊爽。生氣旺臨五子。長房。

分外榮昌。兒孫及第狀元郎。輩輩爲官拜相。巨門美貌端正。六畜繁衍成行。資財萬倍。有餘糧。定出能人巧匠。更有高僧高道。妻子敬佛燒香。男兒金榜姓名揚。富貴榮華大旺。祿存嗜啞風痴。頭禿眼瞎殘疾。人丁敗散走東西。家業田蠶不聚。刑獄牽連縊死。腰脚腫病難醫。男孤女寡少亡危。眼看小房逃去。文曲逃移疾病。宣淫落水交雜。人丁敗散絕根芽。定主妻兒守寡。遭刑自縊離祖。錢財耗似風沙。中房小口不榮華。家業年年消乏。廉眞顛狂火盜。長房在外行凶。投軍發配更遷民。婦女離鄉外娉。病主瘟瘡血症。田宅破散無踪。賭錢吃酒不恤身。人口漸漸逃奔。武曲金星大旺。子孫輩輩聰明。男兒榮貴顯雙親。女子自然端正。纔有儒林赴選。又出武將英雄。文章韜略妙如神。直至封侯佩印。破軍少亡苦死。田宅卻與別人。長屋在外受饑貧。疥癩癰瘡疾病。自縊投河奔井。人亡敗嗣絕宗。義兒婿戶拜墳塋。歲歲哭聲不定。輔弼娼淫作亂。陰人寡婦當家。更兼賊盜作生涯。師婆端公邪法。祖業田宅不守。父南子北離家。同宗外姓亂如麻。哭禍陰陽造化。

五行入各宮斷吉凶之訣

金入木宮。震巽爲木宮。武曲破軍爲金星。武破入於震巽宮。金在上。木在下。是星尅宮。身稍受尅。不論武曲破軍。但金入震宮傷長男。金入巽宮傷長婦。金尅木。主凶死顛狂。筋骨疼痛。腰腿癱疽。金尅震。主男子喘癆凶死。金尅巽。主婦人咳嗽。并眼目疾患。金入水宮。坎爲水宮。武曲破軍爲金星。武破入於坎宮。金在上。水在下。是星生宮。經曰。金能生水。主興隆。人口平安。家道亨廣。進資財多富貴。兒孫繁衍福盈。此指武曲而言。若是破軍。凶多吉少。金入火宮。離爲火宮。武曲破軍爲金星。武破入於離宮。金在上。火在下。是宮尅星。根身受尅。發凶尤甚。資財速退。家業空虛。子孫絕敗。乾金與武曲俱傷。陽下。是宮尅星。根身受尅。發凶尤甚。資財速退。家業空虛。子孫絕敗。乾金與武曲俱傷。陽兌金與破軍俱傷。陰主生肺疾咳嗽喘悶。婦人產癆。血崩瘡災。蓋因火能煉金。人多疾病。家不從容。金入土宮。坤艮爲土宮。武曲破軍爲金星。武破入於坤艮宮。金在上。土在下。是宮生星。經曰。土能生金。家業興。人財兩樣俱崢嶸。男生四數孫尤茂。吉多凶少。旺千春。此指武曲而言。若是破軍。陰金入陰土。終必埋沒。反無生意。金入金宮。乾兌爲金。

宮。武曲破軍爲金星。武破入於乾兌宮。是金入金宮。武曲入乾兌。主資財增盛。六畜繁衍。人口平安。又陽入陰宮。多生男子。破軍入乾兌。主資財退散。六畜傷損。人口絕敗。日後寡婦當家。哭聲吟吟。又陰入陰宮。多生女人。木入金宮。乾兌爲金宮。貪狼爲木星。貪狼入於乾兌宮。木在上。金在下。是宮尅星。根身受尅。九宮之中。震入乾兌傷陽。巽入乾兌傷陰。貪狼星雖吉。亦不宜入於乾兌。受尅半損。先吉後凶。三十年後。人財退散。寡婦支持。木破金尅。主生癱滯病症。心胸膨悶。咽喉疼痛。或自縊。或吐血。筋骨腰腳之疾。癆瘦黃腫之患。木入木宮。震巽爲木宮。貪狼爲木星。貪狼入於震巽宮。是木入木宮。其家人口興旺。子孫繁衍。六畜茂盛。田蠶豐收。百事順利無疑。木入水宮。坎爲水宮。貪狼爲木星。貪狼入於坎宮。木在上。水在下。是宮生星。木賴水養。根身茂盛。主生五子。畜財大旺。田蠶大收。福祿永久。經曰。貪狼一木是福星。若逢坎水必亨通。六畜興盛。資財廣。兒孫貴顯。福繩繩。木入火宮。離爲火宮。貪狼爲木星。貪狼入於離宮。木在上。火在下。是星生宮。主人口平安。資財茂盛。田蠶六畜興旺。然木雖生火。又恐火旺。若木上火下。則必

燒盡本根而絕嗣。此又不可不知。木入土宮。坤艮爲土宮。貪狼爲木屋。貪狼入於坤艮宮。木在上。土在下。是星尅宮。身梢受尅。其家財物田畜漸漸消耗。土被木尅。主生脾病。傷損。噎膈病症。人多瘦弱。痿黃。又生疥癩之疾。水入金宮。乾兌爲金宮。文曲爲水星。文曲入於乾兌宮。水在上。金在下。是宮生星。六煞主事。然星宮相生。亦主資財六畜興旺。但始雖順利。日久敗絕。陰人主事。淫亂胡行。官司口舌相隨。婦人多陰產病症。水入木宮。震巽爲木宮。文曲爲水星。文曲入於震巽宮。水在上。木在下。是星生宮。六煞雖凶。星宮相順。人口亦安。資財亦興。六畜田蠶亦盛。厥後不免寡婦當家。水入水宮。坎爲水宮。文曲爲水星。文曲入於坎宮。是水入水宮。壬癸太重。主人口早喪。子孫稀少。田畜虛耗。家業飄零。男女主生水蠱病症。及肚腹腫痛。面皮痿黃之災。水入火宮。離爲火宮。文曲爲水星。文曲入於離宮。水在上。火在下。是星尅宮。水火相煎。官司口舌。賊盜火光。邪鬼爲殃。傷畜敗財。絕妻損子。先死中男中女。後死老母小兒。火遭水尅。主眼疾。產癆。腎傷。心痛。血山崩漏。水來尅火。主因冷因產。及吐血咽喉暗啞。水入土宮。坤艮爲土宮。文曲

爲水星。文曲入於坤艮宮。水在上。土在下。是宮尅星。根身受尅。六畜倒死。田蠶不收。官司盜賊。人離財散。百災兢起。土尅水。主風狂疾。面色痿黃。或癆瘦。腹腫。噎食。水蠱之災。經曰。水入坤宮。從陰入陰。主傷婦女。哭聲吟吟。水入艮宮。從陰入陽。主傷男子。哭聲忙忙。火入金宮。乾兌爲金宮。廉眞爲火星。廉眞入於乾兌宮。火在上。金在下。是星尅宮。五鬼勢惡。入於兌宮。卽傷少女。入於乾宮。卽傷家長。火來尅金。主上下不和。官司刑陷。是非口舌。血光橫災。火光賊盜。金被火傷。主有心痛。咳嗽。吐血。肺癆之患。面色痿黃。邪鬼爲殃。火入木宮。震巽爲木宮。廉眞爲火星。廉眞入於震巽宮。火在上。木在下。是宮生星。廉眞勢惡。木雖生火。不見吉祥。反招凶禍。田財退散。賊盜連連。忤逆凶徒招禍。上下老幼不寧。經曰。火星到處是廉眞。木來生旺不爲榮。口舌官事頻頻見。嗜酒行凶打死人。火入水宮。坎爲水宮。廉眞爲火星。廉眞入於坎宮。火在上。水在下。是宮尅星。火入水中。卽滅無餘。主家財傾敗。火光官事頻來。先損中男。次亡家長。寡婦當家。百災兢起。火遭水尅。主眼疾。心痛。產難下冷。水制火傷。主癆瘦。吐血吐膿。火入火宮。離爲火宮。廉眞爲

火星廉眞入於離宮。是火入火宮。氣太勝。發凶尤速。斷曰。六畜田蠶不旺。陰人寡婦當家。心痛吐血。火光嗟。疥癩瘡疔最怕。中女陰人多病。家長癆嗽交雜。寅午戌年絕根芽。此是鬼星造化。火入土宮。坤艮爲土宮。廉眞爲火星。廉眞入於坤艮宮。火在上。土在下。是星生宮。但火爲五鬼。多凶少吉。火星入坤。老母先亡。火星入艮。少男辭世。癱患纏身。瘡癩難移。莊田退敗。家業消乏。奴僕六畜。逃走難尋。土入金宮。乾兌爲金宮。巨祿爲土星。巨祿入於乾兌宮。土在上。金在下。是星生宮。但土有不同。祿存爲陰土。土雖生金。陰土終多埋沒。田財不旺。人口不興。祿存入兌。陰人死。祿存入乾。男子亡。若巨門星入於乾兌。必主六畜繁衍。田蠶茂盛。人口平安。子孫發達。土入木宮。震巽爲木宮。巨祿爲土星。巨祿入於木宮。土在上。木在下。是宮尅星。根身受尅。凶禍必重。祿存受尅。傷陰人。巨門受尅。傷男子。家業凌替。牛羊倒死。田蠶不收。人口災害。巨土受尅。主腫蠱喘噎。面皮痿黃。脾土不和。胃氣衝心。祿存受尅。主盲聾禿瞎。及殘疾風症。土入水宮。坎爲水宮。巨祿爲土星。巨祿入於坎宮。土在上。水在下。是星尅宮。身稍受尅。家業飄零。子孫亡散。六

畜倒死。田蠶虛耗。土來水宮。主面黃。癆瘦。暗啞。噎食。水蠱。腫脹。腰腿疼痛。及耳聾傷腎等症。土入火宮。雖爲火宮。巨祿爲土星。巨祿入於離宮。土在上。火在下。是宮生星。主人丁富貴。資財大旺。六畜田產興盛。經曰。火能生土。最爲良。其家殷富。又榮昌。田蠶興旺。人增盛。後代兒孫福壽長。此指巨門上說。若是祿存。則凶多吉少。土入土宮。坤艮爲土宮。巨祿爲土星。巨祿入於坤艮宮。是土入土宮。巨門到艮傷少男。到坤傷老母。祿到坤艮俱傷陰。經曰。土生萬物。號爲財。土還入土。主重埋。資財耗散。入多病。少男老母立生災。巨門土。必主噎轉。膨脹。祿存土。必主暗啞殘疾。

青龍白虎朱雀玄武取用斷吉凶之訣

五行雖各具一行。一行各具五行。青龍屬木。宅得木局比和吉。若入金宮變金。青龍受尅。焉能生宅。或有水星流入。變水。則金生水。水生木。青龍得氣。就能助宅。若青龍純帶金。宜取水。白虎用之。大吉。如火青龍。土青龍。照例推。白虎屬金。宅得金局比和吉。若入火宮變火。白虎受尅。焉能生宅。或有土星流入。變土。則火生土。土生金。白虎得氣。就能

助宅。若白虎純帶火。宜取土。朱雀用之。大吉。如木白虎。水白虎。照例推。又如宅得土局。純火。朱雀用之。吉。木朱雀用之。尤吉。土朱雀比和。吉。金朱雀。水朱雀。皆洩宅氣。不吉。宅得木局。純水。玄武用之。吉。金玄武用之。尤吉。水玄武比和。吉。土玄武。火玄武。皆洩宅氣。不吉。大抵青龍。白虎。朱雀。玄武。只取其宅之相生相比者。單用之。左右前後之高下。及四象之全用。勿論也。

陰陽二宅合一緩急斷吉凶之訣

葬者。藏也。所以乘生氣以廕後人者也。蓋先人之骸骨既安。而子孫未有不昌者。至於陽宅。生人之魂魄凝聚焉。可不慎與。黃帝宅經云。墓凶宅吉。子孫官祿。墓吉宅凶。衣食不足。墓宅俱吉。子孫榮華。墓宅俱凶。子孫移鄉。子夏金門宅經云。得地得宮。世貴名雄。得地失宮。有始無終。失地得宮。子孫不窮。失地失宮。絕嗣無蹤。看來陰陽二宅並重。而陽宅尤當急者。世之急急於修墓。而不知修宅以配合之。無惑乎吉凶之相當。而禍患在所不免也。假如墓得木局。宅亦得木局相比。吉。墓雖得木局帶水。宅得木局尤吉。墓


金宅木墓尅宅。宅金墓木宅尅墓。俱不吉。大約只要墓宅比和相生爲吉。相尅爲凶。



陽宅大全卷七

坐震向兌開門方位圖說


坐震
向兌
開乾
門貫
井之
圖




坐震向兌開乾門斷

此乾門宜造六層房。土星金星水星高吉。若在坤宮或艮宮。起高樓大吉。

坐巽向乾開乾門貫井之圖



坐離向坎開乾門貫井之圖




坐巽向乾開乾門斷

此乾門宜造五層房。水星木
星高吉。若造四層。金星水
星高吉。

坐離向坎開乾門斷


此乾門宜造五層房。土星高
吉。若造四層。木星高吉。

坐巽
向乾
開坎
門貫
井之
圖



坐巽向乾開坎門斷
此坎門不拘幾層只宜後一
層起高樓。

坐離
向坎
開坎
門貫
井之
圖




坐離向坎開坎門斷
此坎門必造六層房土星高
吉。若造四層木星高吉。巽
宮起高樓大吉。

圖 坐坤 向艮 開坎門 貫井之



圖 坐離 向坎 開艮門 貫井之



坐坤向艮開坎門斷

此坎門宜造五層房金星高

吉若在第三層前巽宮起


高樓更吉。

坐離向坎開艮門斷


此艮門宜造六層房金星木

星高吉。

坐坤 向艮 開艮 門貫 井之 圖



坐兌 向震 開艮 門貫 井之 圖



坐坤向艮開艮門斷

此艮門宜造五層房。土星金

星高吉。


坐兌向震開艮門斷

此艮門宜造六層房。金星高


吉。若造五層。土星金星高

吉。

坐坤向艮開震門貫井之圖



坐兌向震開震門貫井之圖




坐坤向艮開震門斷
此震門正房不利。必在離宮起高房吉。

坐兌向震開震門斷

此震門宜造四層房。木星高吉。但遇金旺之生不利。若在第三層房前。離宮起高樓吉。


坐乾
向巽
開震
門貫
井之
圖



坐乾向巽開震門斷

此震門若造五層房。火星高。損長男。若造四層。木星高。吉。遇金年不利。必坎宮起高房。更吉。


坐坎
向離
開震
門貫
井之
圖




坐坎向離開震門斷

此震門宜造五層房。金星高。吉。雖金星不宜入震門。但金入坎宮化水。水反能生木也。

坐兌向震開巽門貫井之圖



坐乾向巽開巽門貫井之圖




坐兌向震開巽門斷

此巽門宜造四層房。木星高吉。水星高亦吉。金生水。水生木也。若在第三層前坎宮起高樓更吉。

坐乾向巽開巽門斷


此巽門造五層房。木星高吉。遇己酉丑年不利。若造四層。水星高吉。莫若坎宮起高樓更吉。

坐坎向離開巽門貫井之圖




坐坎向離開巽門斷
此巽門宜造五層房。木星高
吉。

坐乾向巽開離門貫井之圖




坐乾向巽開離門斷
此離門宜造五層房。木星高
吉。遇金年不利。若在震宮
起高樓吉。

坐坎向離開離門貫井之圖




坐坎向離開離門斷
此離門宜造四層房。木星高
吉。金星高亦吉。

坐艮向坤開離門貫井之圖



坐艮向坤開離門斷
此離門宜造六層房。土星金
星高吉。若在震宮起高樓
更吉。


坐坎向離開坤門貫井之圖



坐坎向離開坤門斷

此坤門宜造六層房。土星金星高吉。木星次吉。若造兩院乾宮艮宮起高房大吉。


坐艮向坤開坤門貫井之圖




坐艮向坤開坤門斷

此坤門宜造五層房金星高吉。

坐震向兌開坤門貫井之圖



坐坎向離開兌門貫井之圖




坐震向兌開坤門斷

此坤門宜造五層房。木星高吉。但木旺之年。尅老母。若起一火星免尅。至於金星高亦吉。


坐坎向離開兌門斷

此兌門宜造六層房。土星金星木星高吉。若造四層土星金星高吉。

坐艮向坤開兌門貫井之圖



坐震向兌開兌門貫井之圖




坐艮向坤開兌門斷

此兌門宜造四層房。二層金星。并末層金星高吉。

坐震向兌開兌門斷


此兌門宜造四層房。木星高吉。

坐巽向乾開兌門貫井之圖



坐巽向乾開兌門斷
 此兌門宜造五層房。土星水
 星高吉。若艮宮起高樓。更
 吉。

坐坎向離開乾門貫井之圖



坐坎向離開乾門斷
 此乾門宜造四層房。木星高
 吉。艮坤宮起高房。或樓吉。

坐坎 向離 開艮 門貫 井之 圖



坐坎向離開艮門斷

此艮門宜造四層房。木星高
吉。必須乾宮兌宮起高樓。
大吉。

水法 一掌 金是 洪範 五行 推運



譬如子山午向。便在申上起長生。酉上是沐浴。戌上是冠帶。十二支上推類順來。大約長生到帝旺。是生旺方宜來。若沐浴冠帶屬文曲。又不甚宜來。來不傷富貴。只主婦女多淫。

子丑等有定位。若帝旺以下無定位也。隨向數之武曲。於帝旺臨官。是有定隨。

六十花甲

甲子乙丑海中金。 丙寅丁卯爐中火。 戊辰己巳大林木。 庚午辛未路傍土。
壬申癸酉劍鋒金。 甲戌乙亥山頭火。 丙子丁丑澗下水。 戊寅己卯城頭土。



庚辰辛巳白臘金。壬午癸未楊柳木。甲申乙酉泉中水。丙戌丁亥屋上土。

戊子己丑霹靂火。庚寅辛卯松柏木。壬辰癸巳長流水。甲午乙未沙中金。

丙申丁酉山下火。戊戌己亥平地木。庚子辛丑壁上土。壬寅癸卯金箔金。

甲辰乙巳覆燈火。丙午丁未天河水。戊申己酉大驛土。庚戌辛亥釵釧金。

壬子癸丑桑柘木。甲寅乙卯大溪水。丙辰丁巳沙中金。戊午己未天上火。

庚申辛酉石榴木。壬戌癸亥大海水。

長生。來吉。

沐浴。不宜去來。來主淫。

冠帶。不宜去來。來主淫。

臨官。來。

帝旺。來。

衰。去。

病。去。

死。去。

墓。去。

絕。去。

胎。去。

養。來。

大墓屬破軍。絕胎是祿存。養生貪狼位。沐浴冠帶文武曲臨官旺。逢衰是巨門。廉貞兼

病死。七曜一齊分。

破軍。去。

祿存。去。

貪狼。來。

文武。不宜去。

武曲。來。

甲寅辰巽戌。

艮卯巳屬木。

木生在亥。

甲山庚。

寅山申。

辰山戌。

巽山乾。

戌山辰。

子山午。

辛山乙。

甲山寅。

巨門。去。

子辛申屬水。

木生起亥均。

水土長生。居申。

廉貞。去。

丑癸坤庚未。屬土。

午壬丙乙火。

金生在巳。

水上同申起。

酉丁乾亥金。

火生在寅。

此八個山向屬水。水上同宮。水上長生在

艮山坤。
卯山酉。
巳山亥。
午山子。
壬山丙。
丙山壬。
乙山辛。
酉山卯。
子山癸。
乾山巽。
亥山巳。

申。申上起長生順行。

此三個山向屬木。木生在亥。亥上起長生。

此四個山向屬火。火生在寅。寅上起長生。

此四個山向屬金。金生在巳。巳上起長生。

丑山未。

癸山丁。

坤山艮。

庚山申。

未山丑。

望江南秘水訣

此五個山向屬土。水土同宮。申上起長生。

乾山岡。巽巳水來長。庚酉謂宜來也。旺方皆吉利。大江潮入不尋常。流丁甲。出公郎。破敗傷。

謂不宜來。庚死走逃亡。辰巽若從當面去。其家長子切須防。抱養不風光。

亥山腦。貪狼巽巳好。申庚辛戌自南來。積玉堆金進橫才。丁水去。錦衣回。馬羊走入安懷胎。但破庚辛兼辰巽。三年一度哭哀哀。家業化成灰。

壬山奇。寅申貪狼是。蛇馬潮來還便好。流歸庚乙正相宜。家富足。出賢兒。巳丙去。長子受孤悽。謂巳丙宜來潮。但遇潮來爲上相。流破寅申定蹺蹊。妻子兩分離。

子山地。庚未及坤申。四位潮來多富貴。謂三方水來射穴。酉辛戌箭婦人淫。龍走去遭刑。破流

生旺不須尋。文曲潮來動瘟火。如流。謂三方水去也。丙巽出公卿。來去要分明。

癸山來。穴向未中裁。更得申庚潮拱入。須防辰巽返流回。丙宮去。永無災。酉辛水射定爲乖。潮入風聲井落水。三年二載哭哀哀。軍賊損資財。

丑山高。未坤水滔滔。謂長生也。萬派潮來坐下水。亥壬拱入穴堅牢。亡者安。紫茜袍。丙巽水

去出英豪。辰午逆行家退敗。出人疾患主風癆。忤逆動鎗刀。

艮山鋒。龍虎兔來雄。乾位戌猪從左入。須尋卯酉覓仙踪。庚丁去。出三公。丙辛水破亦無凶。只怕未宮并午位。這般來水若相沖。即便主貧窮。

寅山長。甲庚水過堂。亥壬子癸橫來吉。流歸辛戌正相當。巳午酉。最無良。宜去不宜橫。箭射潮來人口敗。其家媳婦守空房。

甲山庚。壬子及坤申。二水名爲貪武位。但來潮入進昌榮。家宅好安寧。辛酉去。旺人丁。返過明堂人少亡。安墳立宅主孤窮。災禍起頻頻。

卯山強。

謂有水潮也。

金雞最不良。乾官戌。

謂三方來水也。

亥皆爲吉。折歸庚兌出朝郎。稅產不尋常。

未坤水實雞當。穴前流入主瘟癘。不問人家井寺觀。年年水死動官方。家宅落空亡。

乙山辛巳午左邊迎。寅丑右邊潮進揖。兩官遷穴盡皆榮。合此局流乾壬。賽過孟嘗君。

猴鼠兩來君莫下。犬方來去定遭刑。室女被人凌。

辰山奇鷄犬不相宜。但喜中庚壬子癸。潮墳潮穴最爲奇。酉去辛着緋衣。庚壬流破損。

頭妻。但得龍真井穴正。千門萬戶足光輝。

巽山乾坤坎要潮墳。此水入來爲第一。

謂四小朱雀。

酉辛壬申不堪聞。來水定遭瘟。申子去。

命難存。人丁夭折絕家門。昔日顏回因此地。至今世代盡傳名。

謂四傳大名也。

術者細推尋。

巳山亥乾壬戌水來。寅卯引龍東折入。世家富貴永無災。庚癸去壬甲才不宜。牛鼠逆。

行回。坤未宮中皆不利。頻頻流去養屍骸。水蟻浸棺材。

丙山壬虎牛過北江。去水從壬及西北。房房位位旺田庄。彭祖壽永長。巳丙抱永吉昌。

三十五年無破財。若還流戌定遭殃。

謂自成財來也。

刑陷配他鄉。

午山子。砂水要相顧。丑艮寅甲響潺潺。倘要流歸乾壬路。世代家豪富。犬回頭。鼠趕虎。投軍作賊敗宗祖。請君榮。仍向巽宮遷。兒孫拜相爲宰輔。田地遍山川。
丁山頭。庚酉要橫流。但愛龍定并穴正。水流甲乙足堪求。田地萬餘畝。辰申巳。潮入旺。田牛兩宮真富貴。賽過小揚州。

未山龍卯乙怕相逢。子水潮來君可下。坤申後入一般同。福祿永無窮。辰巽宮。此水最爲凶。切忌回頭侵入坎。宜流甲乙主財豐。富勝石崇公。

坤山裁。亥壬子癸來。流歸丙乙去。永無災。安墳立宅足錢財。龍擺去。虎頭回。家業化成灰。連年災禍起。不聞歡樂只聞哀。室女定懷胎。


申山頭。豬趕鼠牛走。三宮潮水大。女作宮妃男作侯。富貴在他州。甲丙永無憂。寶馬金鞍侍冕旒。不問三房并二戶。人人起屋架高樓。錢旺主鄉州。

庚山長。壬亥潮來皆大旺。但得三灣并五曲。一灣抱處得榮昌。龍安靜。虎伏藏。閨中室女淑賢良。最怕死兔并死虎。若還逆轉退田庄。歲歲動瘟癘。

西山金龍蛇大會總潮迎。四季流來添進寶。逆流艮上出公卿。世代任專城。庚辛立宅安好墳。四個祿存流進出。兒孫跨馬入朝門。個個盡超羣。

辛山眞水宜未坤申。左右兩邊橫有穴。宜流丙甲忌流辰。仔細認朝迎。旺方勝。遷穴下未庚。趕龍蛇。趕馬兔。逆流坤申定遭瘟。少死絕人丁。

戌山辰子癸及坤申。此水貪狼并武曲。兩宮遷穴旺人丁。金玉滿堂新。東南去。救貧經。在右山砂無返顧。生人長壽亡者寧。誰識富豪墳。



現代論文叢刊

桐鄉朱毓麟編輯

▲全書四厚冊 定價三元二角 ▼

現代社會有不少重要問題急待研究以謀解決而討論此類之著作大都散見各種書報雜誌不易悉讀本書係由六十餘種著名書報中選擇國內外有名學者及專家討論目前各重要問題之名著得此一編不獨可以明白現代思潮且可以知各種學術制度之應如何革新改進也

新文選
王石京編輯

▲全書四冊 定價一元二角 ▼

本書所選均名人傳誦之作分門別類各體咸備且長不傷冗短不傷促明快利的是白話文之正宗

上海文明書局發行 各省中華書局經售

梁任公白話文鈔

全書一冊 定價七角

全書前半爲淺近之文言，後半爲純粹之白話，多民九以後之作品。排印精良，校勘審慎，最便閱者。

胡適之白話文鈔

全書一冊 定價七角

全書凡選文三十五首，除先母行述外，均屬白話體。胡氏爲文學革命之先鋒，其作品早有定評。本選尤其較純粹者，短篇居多，初學極易做法。

上海文海書局發行 各省中華書局經售

18124

19130

S6.12 秦慎字校甚

V.2 陽宅大全 (中)

梅

登記號數 19130

類 碼 18124

卷 數 S6.12

備 註 V.2



不出
借

注 意

- 1 借閱圖書以二星期爲限
- 2 請勿圈點評、註、污損、折角
- 3 設有缺頁情事時請即通知出納員

臺灣省圖書館



中華民國拾陸年九月二十五日

國立中央圖書館台灣分館



3 1111 003623806